



6
d
6



9-66

iotheca
oll. Rom.
Soc. Jesu

20-e-27

46.

t.

22.

Mausoläum Virtutis

F F

I
1 4

Handwritten text, possibly a signature or name, appearing upside down.



MAVSOLEVM
VIRTVTIS
ETHONORIS
PIIS MANIBVS
GVILIELMI V.

Serenissimi Boiariæ Ducis

Inter Quatuor Pyramides

A Collegio Societatis IESV Monacensi

Grata Memoria Erectum.

Nunc

Editione Hac Altera.

III^{mo}. MENRADO ABHOHENZOLLEREN.

Illustrissimi Principis Filio.

Poeticæ Juventutis PRINCIPIS

Obsequij causa recusum Dicatūmq;

MONACHII

Ab Hæredibus Ioannis Hertsroy &

*Cornelio Leysserio, Bibliopola, & MAXIMILIANI
Serenissimi Electoris Typographo.*

Anno Christiano CIO. IDC. XXVI.

FORTITER MORI, GLORIOSVM
EST. SEN. EPIST. LXXIIX.




Quid in rebus humanis certius MORTE?
Quid incertius hora MORTIS? Non mi-
feretur inopiæ, non reveretur divitias; Non
Sapientiæ, non Moribus, non ætati MOR s par-
cit: Nisi quòd senibus MOR s est in ianuis; Ju-
venibus verò in insidijs. S. Bern. in serm.

D V X
CVLIELMVS

Se quoties scripsit PRINCEPS,
(ô Nomen, & Omen!)

Nónne fuit VATES Funeris
ipse fui?





BESTO, QVISQVIS

Scenasamas, aut vana Comœdiarum: Triste funus damus; funus Magni Principis, & quo omnis Provincia percussa cladi suæ ingemiscit. Quid aliud faceret? oblivisci doloris non potest, quia nec jacturæ potest. Amisit Principem, verè Principem quorumcunq; tandè comparatione Virtutum. Quid enim in eo non eminuit? Stemmâ prætereo totjâ seculis inclitum, & inter prima Europæ, atque omni præconio clarius; Etenim,

Ipsa sui decusest BOIÆ Domusalta vetustæ.

Quid, inquam, in Duce Guilhelmo nō eminuit? Omnia eius in excelsis fuere, vel hoc solo, quod ipse descenderit; & quashabuit virtutes, nescierit esse, Ignorantiâ comendabili, & omni scientiæ anteferendâ.

Albertus V. collabascens per dissidium Religionis Germaniæ Columnen, vbi fatiscessit, hæreditarium Bavariae clavum Guilhelmo natus è filijs maximo reliquit; quem ille summa prudentia annos septemdecim moderatus, Iustitiæ, Religionisq; cultui primam operam addixit. Et Religionis quidem immortale specimen dedit, usque adeò, vt, si terram suam Catholicam non reperisset, gloriosâ sedulitate fecisset. Patris enim clarissimi Principis exemplo incitatus, præstantissi-

mos,

mos, è varijs locis, viros accersit, aut Ecclesias, aut Juventutem, Reip. seminarium, ad pristinas pietatis normas educturos & edocturos. Hinc, vt reliqua omittā, Collegium, Templūmq; Monachij Soc. IESU Patribus condidit, amplitudine, & splendore maximè visendū, atque etiam invidendum, si incolas spectes; si conditorem, par maiestati eius, & magno Principe dignum; imò vel hoc nomine illustrissimum, quòd magnas exuvias possideat, & decori fuerit, annulum esse aureum, propter tam nobilem gemam.

Iustitiā verò, quam inviolatam coluit, id affectus est, vt sumorum, infimorum amorem sibi conciliarit, nemòque fuerit, qui non diuturnum imperium optaret, præter imperantem. Sed is satur potentiae in terris non satis semper potentis, alto animo diviniora volvens, cum maturam, parēmq; regiminis moli cerneret indolem in Soble, potestatem in MAXIMILIANVM hodie Imperij Septemvirum transtulit; vt, quod alij post mortem magnis, & anxiiis votis desiderant, ipse videret vivus, suorumq; magnitudine lætus, frueretur æternitate, antequam inchoaret.

Arbitratus est Vir Magnus satis esse designatam abs se regendi viam, quā Filius laudatis vestigijs progredi posset, Patrēmq; sive llet, vinceret. Quis verò jam reliquam vitam, pro dignitate, verbis adumbret? Eam in perpetuā virtutum



exercitatione duxit tectam; & talem etiam post mortem voluit, subiturus cœlum, sine arbitro mortali. Supremis enim tabulis vetuit quidquam aut pro concione de se dici, aut typis vulgari, raro apud mortales exemplo; & quo nihil laudum amiserit, sed virtutis gloriam auxerit, quamquam indignantibus Musis; nam vbi Boicæ Thalix innotuit, obstructas sibi, durior imperio, Tibias, quibus Nænam caneret laudibus plenam, justo dolore percita in has querelas erupit.

*Heu mihi quid patior? jam dudum lumina turgens,
Effrenisque amplum lachrima querit iter.*

*Lachrima querit iter; jam dudum lumina turgens,
Et cogor siccis verba vorare genis.*

*Non sic indomiti certant erumpere rivi,
Cum prægnans tumidis fluctuat Ister aquis?
Nen sic e caveâ, notum cum sordida signum
Mappa dedit; properant, quæ rapit ira, fera.*

*Ut mea captivis arctantur lumina nimbis,
Dum cupiunt clausis rumpere septa vijs.*

*Hanc tu nempem ihi facis, ô G V I L I E L M E, querelâ,
Qui non vis imbres largius ire meos.*

*Udâque in apricum producere verba parantem,
Heu nimium durâ voce, silere jubes.*

*Nolo, inquis, strepero turbes mea funera plectra,
Ipse suam nolo tangat Apollo lyram.*

*Efferar exiguis, per opaca silentia, tædis,
Ducet pullatum Præfica nulla chorum.*

*Vocalis mediam non ibit Præco per urbem,
 Non stabit mæsto flebilis urna foro.
 Octophorum nostro removete à corpore; condâ
 Plebeiâ dudum gestio Sandapilâ.
 Sparsio non fiat, nisi quam de ponte rogabit
 Turba; nec in busto barbara gaza crepet.
 Vlla nec è Rostris Orator verba tonabit,
 Nec comet vita facta in amœna mea.
 Sed si fortè aliquid (nec enim prohibebo) loquendum;
 Denique migrandum est omnibus: ista satis.
 Ista satis? Superi! quid læctum tristius urbi?
 Vanobis! iterum sic GUILIELME peris.
 Nonne satis fuerat semel expirâsse? dolori
 Quid das materiam, bis moriendo, novam?
 Usque adeo nihil est, vivo quod Marte fleamus?
 Augeat ut tantum tanta ruina malum?
 Signa volant, nova bella instant; bella horrida bella
 Intentant patrijs ultima quæq; focis.
 Et tamen his major clades est cladibus ista,
 Quâ mactas cives ô GUILIELME tuos.
 Sunt oculi nobis, & te plorare negabis?
 Sunt linguae, & vocem promere crimen erit?
 Sunt stilus, & cortex, sunt & Permessides undæ;
 Sunt animi, & gratas non sinis esse Deas?
 Ipsa ultro in numeros veniunt mihi verba, chelisque
 Indignata suum rumpere gestit ebur.
 Et color in chartam, invitopictore, recumbit,
 Et (mirum!) vocem res venit ante suam.*

Omnia me magnum cupiunt hîc esse Poëtam :

Qui non sum, fieri cur GVILIELME vetas ?

Aurea te virum Clementia semper amavit :

Mortuus imperio durior esse voles ?

Et quæ non Siculos legimus fecisse Tyrannos,

Noster, & in Tumbâ, Dux GVILIELMVS aget ?

O verè miseros ! (dabit istud, credo, dolori,

Quem doleam, extremo quisquis ab orbe sciet.)

O iterum miseros tali sub Principe cives,

Quæis licitum est Dominum non sat amare suum.

Fluxerat in tonsis Elegèia mœsta capillis,

Scu tua Pelides, seu tua fata Paris.

Qui tamen à Boia tantum virtute fuistis ;

Quantum à Pelide femina fracta Paris.

Flexerat & Siculum Corydonis fistula Daphnim ;

Fistula Maonios docta referre modos.

N s Patriæ in luctu non illatabile carmen,

Non dabimus tanto flumina digna rogo ?

BOICA quid dicet ? Nihil, ingratiſſima Pallas,

Iste nihil capiet, qui tibi tanta dedit ?

Illæ novenarum moles immensa Sororum,

Qualis Cecropia non fuit urbe domus :

Illæ stilo major, Tarpeiâ sanctior Aedes,

Qualis Palladia vix stetit antè manu :

Illæ Patrum sedes, digniſſima Principe Sedes,

Qualis non Boijs altera lucet agris :

Nil meruère ? aliquid meruère, & Apolline dignum,

Nec tamen arrepta psallat Apollo lyra ?

SVEVIA quid dicet; cognata quid AVSTRIA dicet?
 Perdidit hac charum, charius ista caput.
 Vt pote quem Socerum plorat non vilibus undis,
 Imperij portat qui diadema Gener.
 Quanta in sceptriferos venit, post fata, Nepotes,
 Quondam GVILHELMi ter generosa SOROR?
 Ardua quot claris in vecta est sidera bigis?
 Virtutum toto traxerat illa choros.
 Casarea sit Matre minor, non ille Sorore est,
 Seu certare animo, seu pictate velit.
 Straverit Argolicam, fortissima Caesaris vxor,
 Altera non dudum Penthesilea, feram;
 Quid minus in terris Frater patravit avitis,
 Semper ab antiqua qui pietate stetit?
 Alberti soboles Albertum ingentibus ausis
 Prætulit, æternus cui fuit iste labor,
 Ne qua peregrinis labes manaret ab oris,
 Latè quando suas sparserat Hydra faces.
 Si parere haud major virtus, quàm parta tueri,
 Fecit GVILHELMVS sanguine digna suo.
 Et Soror æternis eat in sublimè quadrigis,
 Nec sit, qui Fratri præstet ad astra rotam?
 Scilicet ipse Phlegon, Pyrois, & Eous, & Aethon,
 Solis equi currum non tibi, credo, negent.
 Non GVILIELME neget cœlestes Phœbus habenas,
 Nato agrè dederat quas Pater antè suo.
 Et cecidit fateor, cecidit temerarius ille;
 Securus famâ tu veherere tuâ.

Nimirum puer ille fuit, calig³ viaq³

Inscius, & tantis non satis aptus equis.

Adde, quòd imprudens, nullo aurigante, volaret;

Hinc cadit incensi fabula longa Padi.

Tu verò & factis jam dudum Magnus, & annis,

Ires Phœbea doctior ipse manu.

Ecquid enim parto frustrata superbia cœlo

Auferat? Hesperias cur verearis aquas?

Altior est, quàm qua mergi tua gloria ponto

Possit, & à levibus rudera ferre Notis.

Nil habet in cœlum fastus: super æthera nunquam

Ebullit tumidi spumea gleba vitri.

Non quidquam à magno jam tuta modestia cantu,

Flente nec à calamo, quod vereatur, habet.

Si laudanda times docti mendacia Vatis,

Fingere nil cupio, me sine vera loqui.

Æra loqui prohibes? nomen venerabile Veri

Testor, & Astræa si quid Olympus habet;

Vocem hanc & Satyræ, & Momorum dentibus aptam:

Non fas GVILHELMO Principe, vera loqui.

Immo loqui nec posco quidem: quid vilius orem?

Elingues liceat fundere amoris aquas.

Cui querar infelix? mea qui suspiria venti

Portabunt, fessus quo rubet orbe Tagus?

An natura tibi? certèplorare Parentem

Nulla vetat Mater, sola Noverca vetat.

Si Patrem Patriæ te Dux GVILIELME saluto,

Non erro: & pluvias non dabo marmor aquas?

Si paupertine baculum te nomino turba,
Non erro: Et pluvias non dabo marmor aquas?
Si clarum Boy fidus te dico Leonis,
Non erro: Et pluvias non dabo marmor aquas?
Si trabeatorum genitorem appello Nepotum,
Non erro: Et pluvias non dabo marmor aquas?
Si fidei columen, si spem pronuncio Cleri,
Non erro: Et pluvias non dabo marmor aquas?
Collapsa hæc uno, bustum sunt omnia, casu,
Et mihi non dabitur vel mea damna queri?
Æacida telo cecidit Priameius Hector,
Raptus ab Hemonys nobile Funus equis:
Quis vetuit lachrimas? quæ lex crudelior hoste,
Noluit Ausonias carmina flere Deas?
Ipsa quoq; in medijs tremarent cum Pergama flammis,
Troïsq; Anchisiades naufraga vela daret,
Nemo stetit Phrygia currentia flumina ripa,
Nemo locum tacuit, quondam ubi Troia fuit.
Hectora perdidimus, Troia quid charius, una
Abstulit heu tristi tristior hora die:
Et non transcensis latè fluat Isara ripis,
Inq; herba tacito Najades ore cubent?
Magna quidem ô Princeps tam magni gloria voti est,
Quicupias cineri nil superesse tuo:
De Boys autem quid dicent sæcula chartis,
Quæ mutæ in tanta clade tacere queant?
Aut certè ingratas clamabunt omnia Musas;
Aut ex Pierio fonte bibisse parum.

Illi homines sileant, suam habent & marmora vocem.
 Audentq; in grandi crimine saxa loqui.
 Qui stant Aligerum claro sub nomine muri,
 Aegrè olim Phæbo, non mala verba dabunt.
 Si non ergo tibi, vel nobis consule Princeps;
 Fama tua in tuto est; scommata, nostra timer.
 Etc tamen exemplo veterum, Leo Boice, regum
 Si potes, & damna, qui tua facta canunt.
 Quis post fata aliquem sibi non vult stare colossus?
 Quis non aeterno vivere sub lapide?
 Quid turres Pharia? Muri Babylonis? & alti
 In terris faciunt quid simulacra Iovis?
 Quae non Pyramidum vidit miracula Memphis?
 Aegyptus celsò saepe minata polo est.
 Tunc humili solus Princeps testudine clausus,
 Tempore non longo vile cadaver eris?
 Quem Cleopis deceat, Rhodij quem machina Solis,
 Quem Mausolei dives arena luti.
 Quem plangant meritò non sola in Phocide Musa,
 Plangere sed fidium quidquid ubiq; potest.
 Quique altis cantu substruxit mœnia Thebis,
 Quiq; habuit dociles ad sua plectra feras:
 Quiq; inter pandos cecinit Delphinas Arion,
 Quiq; unquam Laurum jure Poëta tulit.
 Deniq; quicquid habent montesq;, amnesque Dearum,
 Quaeque inter valles Nympha jocosa sedet.
 Omnes unanimi GVILIELMO voce parentent,
 Si mea vox aliquid, si mea vota valent.

Et spero, (quamquam nolis GVILIELME) valebunt;

Tēq, ego si taceam, mortuus ipse canes.

Nam pereat corpus, pereat quod clausimus arcā:

Tantum animum nullo conficit igne rogas.

Theſſalus infido Pelias impoſtus alieno,

Vivit ſtultitiæ poſt ſua fata ſua:

Nec magis Oeteus clario illustratus ab igne eſt,

Cum daret arſuram Deianira Togam.

At tu magnanimi proles generoſa Leonis,

Vixiſti, & viues clarius igne jubar.

Praſertim in dulces cum virtus iſta Nepotes,

Iam dudum Herculei juffa migrârît Avi.

O quantum patrioſtralucet omnia Sole!

Vt cupias, totus non poteſ ergo mori.

Nam licet æternis mandes tua, tēq, tenebris,

Et nihil à doctâ poſteritate petas.

Noliſq, audaces quicquam garrire Poetas,

Quo fieri major Principis umbra queat:

Fruſtra eſ: nam quidquid de te celare laboras,

Cernimus in Natiſ Dux GVILIELME tuiſ.

Hæc flebili voce Thalia Boica, nequaquam ſatura planctus, niſi Phœbo permiſſum eſſet, tenui ſumptu, excitare Mauſoleum, ea lege, ne cenſum, & Modeſtiam ſuperaret opus. Pareatur igitur optimæ voluntati, & nihil eximij de eo dicatur, ſed eximiè ſentiat. Quia enim ipſe reſ ſuas celari præcepit, & laudari noluit, poſſe ſe advertit, meruitq; , vt nihil volendo, obtineret omnia,
plus

plus planè consecutus silentio, quàm si panegyristam Demosthenem talento emisset.

Quando ergo omnia caduca, quæ specie fallunt suâ, pro nihilo habuit, deteriora etiam post mortem elegit; & fauit Fortuna; nactus est enim ignobiliores de Parnasso Poëtas quatuor, ut nemo reprehendere eorū versum posset, quia moriens nihil nobile voluit: quorum ut sunt diversa ingenia, ita dictio quoque; proinde vnam ubique ne quæras, cum nec tu semper vnus sis; affectu pro tempore diversus, etsi semper bonus. Eris certè, hoc tecum si repetes;

Heu jacet in parva Boia Dux maximus Vrna!

Nec mihi concedent Numina stare diu.

ARCHITECTURA

MAVSOLEI.

AGE, si placet, MAVSOLEVM GVILIELMI specta, quando ipsum ampliùs non licet. Opus Apollinis vides, non Artemisæ; immo & Artemisæ, si Apollini credis. Neque enim longissimè, censeo, abludit novum hoc MAVSOLEVM ab illo veteri; nisi quòd meliorem PRINCIPEM tegit: utrobique miraculum est; ibi in mole, sumptu, Artifice; hîc in ipsa tumulati voluntate; qui noluit Monumentum altiùs exurgere, quàm cinerem. Ea confidentiâ, quatuor Apollo è Parnasso

Masso evocavit Architectos, pro numero eorum, qui Cariae Reginae laborarunt: quique tantum promitterent, quantum modestissimus PRINCEPS postulasset: Cinerem honestè tegere, non astra magnitudine operis vel attingere, vel æquare.

Quatuor igitur in partes opus vniversum tribuitur: Tumbam, Columnas, Arbores, Pyramides. Nam quòd alius in Quadrigâ, alius in Dianæ statuâ, alius in alio miraculo ingeniosus esse voluerit, quid ad illos, qui officium faciunt, non miraculum? Tumba ipsum Boiariæ Thesaurum, hoc est, nobiles GVILIELMI exuvias condit. Columnæ duplici funguntur officio; & Tectum, quod in Pyramidem se acuit, sustentant, & Monochromatis, seu Anaglyphis sedes, & quasi membranæ sunt; in quibus exornandis cum artificio; & ingenio maiestatem, immensitatemque; Virtutum GVILIELMI assequi se posse desperaret cælator, tectorium vt vides, superinduxit: ne hac saltem in parte deesset, quod quoquo modo cum veteri MAVSOLEO conspiraret. Arbores nihil ferale præ se ferunt; ita Apollo voluit: sunt itaque recenti virore, amœno aspectu, feraci genio: speramus enim, ibi jam esse tantorum facinorum Heroem, vbi Lauro magis, quàm Cupresso sit locus; Pyramides denique quatuor Architecturæ latera stipant; in quibus vario Emblemate Poëtæ, & Pictores, (accisa hinc *quidlibet audendi*

13 MAVSOLEVM
dendi licentiâ) elaborarunt. Quaquaversum igitur accedas, oculos tolle, videbis, & leges.

In adverso poste.

OMNIVM INTROITVS.

In averso.

SERVS EXITVS.

Ad dextrum latus.

INEVITABILIS HOSPES.

Ad sinistrum.

VLTIMVM CONTVBERNIVM.

Est & in Tecto, quod spectes, quod speres. Sedent Angeli per gradus, & fastigio imminet in novem tributî ordines, cû Insignibus suis, & gnomis: vt versa pagina docebit, non monstrabit: quia alia est picturæ, & sculpturæ species, alia litterarum, quæ oculos non implent, nec mentem, nisi tu facias.

CHRI.

CHRISTVS

Vexillum, & Coronam ostentans, cum hac epigraphæ;

HÆC DEMVM LEGITIMA CORONA EST.

Via Innocentum ad Christum.

- | | |
|-----------------|------------------|
| 9. Cor ardens. | 9. Caritas. |
| 8. Anchoram. | 8. Spes. |
| 7. Violam. | 7. Humilitas. |
| 6. Panē cunctū. | 6. Misericordia. |
| 5. Lilium. | 5. Calitmonia. |
| 4. Columbam | 4. Simplicitas. |
| 3. Rosarium. | 3. Pietas. |
| 2. Crucem. | 2. Fides. |
| 1. Aspergillum. | 1. Baptismus. |

Angeli gestant.

- | |
|-------------------------------|
| 9. Ardens anhelus. |
| 8. Clementiā sustinens. |
| 7. Descendendo alcendo. |
| 6. Quia do, accipio. |
| 5. Cum Angelis pergo. |
| 4. An gravis sit via, nescio. |
| 3. Sulpitia trahunt. |
| 2. Assentiendo scando. |
| 1. De rore vivo. |

Angeli explicant.

- | |
|--------------------|
| 9. Columnam. |
| 8. Gallum. |
| 7. Agnellum. |
| 6. Calicē inversū. |
| 5. Libram. |
| 4. Iugum. |
| 3. Flagellum. |
| 2. Ensem Flamineū. |
| 1. Calvariam. |

Angeli gestant.

- | |
|----------------------|
| 9. Constantiam. |
| 8. Vigilantiam. |
| 7. Patientiam. |
| 6. Abstinentiam. |
| 5. Iustitiam. |
| 4. Obedientiam. |
| 3. Dolor peccati. |
| 2. Timor gehennæ. |
| 1. Meditatio Mortis. |

Angeli explicant.

- | |
|--------------------------------|
| 9. Rursus descendere nō libet. |
| 8. Hostem exploro. |
| 7. Pater, quia feci. |
| 6. Quia abundavi, ego. |
| 5. Quantum mali, tantū bonū. |
| 4. Monentem sequor. |
| 3. Me ipse vindico. |
| 2. Horreo, & propero. |
| 1. Cogito, & pedes paro. |

Via Pœnitentum ad Christum.

Novem gradus.

Angelis

Novem gradus.

His acclamantibus.

His succollantibus.

MAVSOLEVM

Aram Moles tota spectat; quia ad hanc vivens tam frequenter supplicabundus accessit, ut ea & mortuum ad se raperet; nisi ipse moris sui retinens, altè defodi, & in Hypogæo humari voluisset Basilicæ & Suæ, & SOCIETATIS IESV: quæ utique maius opus molita esset, si PRINCIPI suo inobsequens esse potuisset. Certè cum Guilielmi funus tam illustre reddere optaret, quàm illius Vita fuit, gestirétq; tot in Mausoleo faces accendere, quot, Occaso sole, in cœlo ardent sidera, quando verè & ipsi suus Sol occidit, etiàm huic voto voluntas Principis intercessit; quam, quia pio amorì violentas iniicere manus visà est, Poëta inamœnis Elegis clausit, ut facilè appareat, Indignationem versùs fecisse.

*Noctem amo; Nolo diem: Potivas, prodiga, nostris,
Boica cur tenebras invidet Exequiis?*

*Æmula sideribus nostræ Pharus incubat Urna,
Et facit invisam, flammea tota, diem.*

*Quò mihi mille Faces? quando ipsam Lampada vitæ,
Invitâ gessit nostra senecta manu;*

*Et tandem ridens posuit; nam cætera pridem,
Quæ nituere, mihi, mergere, cura fuit.*

*Involvi pullâ titulos, & luce sepulta
Nominis, extra oculos, invidiâque fui.*

*Abcondi, rude donari, mihi vivere, mecum
Posse habitare, animi vota fuere mei.*

Grande

*Grande Theatrum habui, Cælo contentus; abunde est,
 Hic si plausibilis Fabula nostra fuit.
 Aut recto saltem stetit Vltima clausula talo;
 Plena est solliciti meta suprema Merus.
 Hic errare semel tantum licet; alea iacta est,
 Atque fugit tremulas, non reditura, manus.
 Aeterna ex illo fertur sententia casu,
 Siue salit dexter senio, siue canis.
 Memiserum! quamvis niveo iam vellere frontem
 Sparsus, ad hanc artem Tiro futurus eram.
 Vivere (nec tanti est) vivendo discimus: ille
 Ludus ubi est, doceat qui moriendo mori?
 Grande Magisterium momento absolvitur vno,
 Singultus Vite tota Coronis erit.
 Heu mihi! tam subito nec Filium abrumpit Arachne;
 Floræque tam propero non metit vngue rosam.
 Hoc ego negligerem breve, & irrevocabile Punctum;
 Cui vel mille annos advigilare parum est.
 Non agerem excubias? ah formidabilis hora est
 Vltima, quantumvis præmeditata venit.
 Queret in hac animos frustra Gladiator arenâ,
 Exanimare huius, non animare, loci est.
 Nec iuvat auxilium spreti inclamare Lanista,
 Cum ferrum in iugulo iam trepidante micat.
 Turpe rudimentum est, cum decretoria Pugna
 Postulat Heroes, & negat esse iocum.
 Nunc fatalis opus præludia discere belli,
 Ista Palaestra virum non facit, Umbra facit.*

Quæ

*Quæ captata mihi tanto ambitiosius umbra est;
Quo visa est studijs aptior esse meis.*

*Hic didici tacite venienti occurrere Fato,
Parcarum assuevi ferre supercilium.*

*Ad Larvam Mortis, licet æmula Gorgonis esset;
Spectator vultu non fugiente steti:*

*Calva vicem speculi subiit, quæ dentibus albis
Rideret nostras docta Magistra Apinas.*

*Hic me sandapila modulo dum metior, vlnas
Tres reperi magni Principis esse locum.*

*Hic genus, & proavos, & longistemmatæ agmen
Parva sub aspectum pulveris Vrna dedit.*

*Quæ manibus librata mihi cantabat in aurem,
Quot cineris Pondo cras moriture dabis?*

*Sic animi Bullæ, sic detumueræ tumultus;
Cristatum pulvis non finit ire caput.*

*Sic nati gemitus, castigatæque palato,
Vita omnis visa est nautea, dulce Mori.*

*Dulce Mori in tenebris; nam Christi ignobilis umbra
Cur vellem fato lucidiore mori?*

*Optata Eclipsis, si me subduceret orbi,
Contentumque oculis cogeret esse suis.*

*Interim ad occasum, pariter cum sole, cucurri,
Ceu fugeret numquam mihi reditura dies.*

*Sic me composui, quasi Conclamatus, in Vrnæ,
Vespillo solitus funeris esse mei.*

*Et siticem meus ipse fui, Lesumque paravi,
Hic, hic, Emeriti Principis Umbra iacet.*

*Sic tandem affucto, in tenebris, præludere Morti,
Ipsa etiam visa est ultima lucta iocus.*

*Vixi; vel quod idem est, Vici; tamen absq; tumultu;
Terra vale, & si vis plaudere, plaude silens.*

*Non vacat Inferijs oculos impendere; parces,
Nulla placet viso si mihi pompa Deo.*

*Altior orbe animus sedem inter sidera fixit;
Credisne hic nobis posse deesse diem?*

*Nec face, nec Lacrymis opus est; sed Lacryma sisti
Si nequeat, Lacrymis Boica merge Faces.*

Superi meliora! tu quoque mitiora Clementissi-
me Princeps; Enimvero hoc est tui amantibus A-
quâ, & Igni interdicere, nimis duro imperio, &
quale vivens non exercuisti. Noli, quæso te,
cùm hominem exueris, inter Divos receptus, et-
iam Humanitatem abiecissee videri. Quidquid
Honori tuo Ardet, Incendium Amoris; quid-
quid Fluit, Imber est Pietatis: patere duabus tibi
Virtutibus parentari, &, quando tuas in specta-
culum emitti prohibes, his Scenam indulge, vix
ad tot etiam Faces agnoscendis: Tu certè agnovis-
se visus non es, cùm illas tam gravi edicto pro-
scriberes, quod utique non dictatur in Virtutes:
neque nos eas aliter venditamus, quàm ut mutilas,
& cum aliqua tua iniuria coniunctas; quando
neque vivum te colere, pro merito, quisquam
potuit, neque deflere defunctum, non modò ani-
mis, sed etiam oculis in suo munere desperanti-
bus,

bus, ut ne lacrymarum quidem, quibus nihil vilius est, satis sit confluxurum. Admittes tamen, post repudiata Balsama, hunc Humanitatis Nimbum, quem tua Mors citavit: tam Sereni enim Sideris occasus nunquā sine pluvia contingit; neque possunt cum cœlo conspirare oculi, qui totidem causas flendi habent, Te amisso, quot gaudia nata cœlo sunt, Te recepto. Agimus ergo negotium nostrum, quod tu quidem iam dedidicisti; à cuius Oculis omnem lacrymam absterfit Serenissima Dei manus: nobis Luctus, & Dolor nisi hac turbidâ cluvione effluere non potest; quâ tamen tua Hilaria non obfuscabimus, tam securâ tristitiæ, vt etiam nostras clades spectare, non nisi ridente oculo, possis; quem proinde etiam Mausoleo tuo impendes; cui exornando etsi ingens argumentum Statuarijs, Pictoribus, atque Poëtis suffecturum suppeditare tuæ Virtutes potuissent, quia tamen abnuis, parcimus illas mala manu contaminare: sequetur olim melior, quæ illas supra septem orbis Miracula evehat, inter, quæ vetus olim Mausoleum stetit: neq; enim impetrabis, ut talem Principem Posteritas non adoret; cui si cætera Virtutum tuarum Documenta subtrahas, Modestiam tamen non potes; quæ quantumvis omnia animi tui ornamenta incrustare laboret, defluet tamen olim operosa albatio, & totum te orbi ostendet, velut Solem à nube, &
Eclipsi

Eclipsi pulchriorem. Nos interim hoc ipsum Te-
 ctorium, quod candor Modestiae tuae, gypsatâ
 Manu, abscondendis Virtutibus induxit, humi-
 liore etiam stilo, quàm illius penicillum fuit, ex-
 plicabimus, aut veriùs, Vmbras tuas tenebris in-
 volumemus; neque enim clarius nomen merentur
 quaterna nostra privis adumbrata coloribus, &
 verè Monochromatea, quæ Mausoleilatera ve-
 stiunt teguntq; , Emblemata: nisi eò pretiosa
 existimabimus, quia Thecæ sunt, & opercula in-
 gentium opum, quæ oblini, involuque tam stu-
 diosè non potuere, vt non passim emerent, tra-
 lucerentq; : & vbi aliud vestigium non reliquere,
 ex Ambrosio odore, quem Bona Mens, etiam in
 sepulchro, spirat, agnoscerentur.

PICTURA MAVSOLEI, QVA ORIENTEM SPECTAT.

LECTISTERNIVM FESSO.

Igitur etsi illustre Emblemata PRUDENTIÆ
 Tuæ, quod in prima Mausolei fronte spectari
 debuit, nobis subduxisti; Epitomen tamen ma-
 gnarum cogitationum, quibus Divina comple-
 xus es, Humana etiam transcendisti, in una sen-
 tentiola nobis reliquisti, quæ Patientissimi Mor-
 talium Iobi olim fuit; cuius te non puduit, etsi in
 fimeto dictata est, parum acceptâ delicatulis
 scholâ;

Scholâ: Indè hauſtam vſu tuam feciſti, & patieris etiam alijs in Exemplum proponi : ea eſt huiusmodi *Iob 17.*

IN TENEBRIS STRA VI LECTVLVM MEVM.

Illum ipſum ſcilicet, in quo nunc cubas; nam verecundiæ tibi non fuit, Lectiſterniatorem tuum eſſe, & ponere etiam hoc inter Principum curas; meliore vtique iudicio, quàm quo Auguſtus obæratî Equitis Romani culcitram, de Auctionali Haſta emit, conciliatriculam ſomni, vt cui ille, cum animam deberet, tam ſuauiter indormierit. Tu cùm Noctem unam omnibus dormiendam ſcires, fortasſe aliquot ſeculorum; in illius tam longi ſomni apparatus, Superi! quot Vigilijs impendiſti! abiecto etiam, ut hoc unum ageres, Imperio; nam vel breviffimas noctes nimis longas imperantibus expertus, didiciſti, Quieti cum Purpura nunquam rectè conuenire, & ſomnum, fatali odio, omnia coronata Capita fugere: Igitur Pullatus in tenebras, & ipſam Tranquillitatis regiam conceſſiſti, nihil offenſus oſſeq Mortuorum ſatellitio, qui veri, unicique Dormientes ſunt; cum ipſo Iobo ſolitus dicere *Putredini, Pater meus; Mater mea, & ſoror mea, Vermibus;* & quod omnis miretur ætas, penè vltimum imperium

imperium tuum fuit, locata, paucis, ante fatalem
 somnum, diebus, Artifici Mortualis Calva, novâ
 architecturâ, non sine Anguium, Lacertarumq;
 spiris, omnibus, præter te unum horrore futura,
 ut qui inter hæc spectacula consenuisses. Ausus
 proinde Pictor est, tibi Calvarum struem subster-
 nere, & quasi nunquam suavius dormivisses,
 adjicere de suo

SINE CVRA.

Poëta etiam audacior versus addidit
Calvarum recubas porrectus in aggere Princeps,
Hæc non ex merito contumelate tuo!
Mors torulum stravit plumarum oblita; fatentur
Te tamen in pluma plus vigilasse tua.
Nimirum nullo curas fas ponere lecto est,
Sub viridi nisi quem cespitem Parca struit.

Id à cordatis viris magno assensu acceptum Syba-
 ritæ aspernati sunt, quos etiam in pluma, & Mi-
 lesiâ Rosâ vigiliæ torquent; quibus non modò
 hæc ossæ sponda, sed ne Alexandri quidem cul-
 citra allubesceret, de cuius mollitie subiectus Pu-
 gio, & Homeri Ilias aliquid imminuissent. Affi-
 xit proinde mortuali antro Pictor Avium nidum
 plumâ fartum, cum hac Epigraphe

SATIS PLUMARVM.

Quod delicatulis datum videri poterat, nisi Poëta
 monuisset, etiam hoc è Iobi domo petitum, cu-
 ius illa vox fuit *In nidulo meo moriar*, Avium Fato,
 quæ



quæ suis plumis incumbunt, si aliud desit toral
ostenditque te, Magne Princeps, etiam in saxo
molliter cubare tuis Virtutibus involutum.

Sternit Avis modico Plumarum stragula Nido?

Marmoreo recubes tu G V I L I E L M E toro?

Sed tua mollivit pridem omnia marmora Virtus;

Hinc ubicunque cubent, molliter ossa cubant.

Nam qui Regna, & opes Plumâ leviora putasti,

Nunquam de Tumuli mole querere tui.

Adhærentem cubili tuo etiam hortulum notavi-
mus, in quo tamen, præter Papaveris areolam,
nihil vernæ elegantiae fuit. Sed nec illa à clade im-
munis, qualescunque opes tuebatur; nam Prin-
ceps mediam inambulans, summa, ut quæque
extabant, capita Scipione detruncabat, qui Tar-
quinius credi poterat, si in Superbi illius moribus
aliquid simile Modestiae tuæ fuisset: At enim ille,
in hortensi strage, sanguinarium consilium in ci-
vium capita coquebat; tibi inter Mortuorum Cal-
vas accubantia alia mens, neque in alios petita
papaver usus, quàm ut esset, quod Lemma præ-
ferebat.

ILLECEBRA SOMNI.

& Poëta velut ex tuo ore, mente certè, ita expli-
cuit.

*Quisquis amas faciles moriturus carpere somnos,
Sonniferum è nostra Messe papaver ede:*

Quale

*Quale per Areolas orbis Mors falce recidit,
 Quale vel in calva sit reperire tua;
 Dormis, non moritur, qui sese hac falce secandum,
 Atq; Papavereum cogitat esse caput.*

At enim ô Modestissime Princeps, quocumque te nomine traducas, oracula loqueris: Sub facie, & gladio vivimus, qui non, ut Damocli, sub uno tantum convivio, impendet, casurus, quando-cunque Filum Deus nutu abrumperet: Felix, qui illum serena fronte excipit, nec cervicem inflectit, feras inducias petiturus: Qualem te vidimus, GUILIELME, qui Serenissimi nomen neque in funere perdidisti, ultimum, maximumq; mortalium votorum nactus, Ευθανασία: Proinde neq; nunc aliter te, quam dormientem aspicimus, & placida quiete compositum Eoque nomine, Sphæram auream Pictor tibi in manus inferuit, quasi ea suo, in subiectam pelvim, casu, abruptura somnos esset; quod Aristoteli primum excogitatum legerat, re fortasse non falsus, sed Sphærae nomen dare non potuit. Nos illam post Pilam Mundi esse intelleximus: quam nunquam vivus tanti putasti, ut vel illâ luderes: sed generoso contemptu proiectam, calcatamq;, ideo, passus es dormienti in manum dari, ut EXCITATOR tibi non deesset; quem enim vigilantem nullus quantumvis lævus Pilæ huius casus percellere potuit, nunc etiam iacens, non antè, quam ad

magni Iudicis adventum fractus illabatur orbis,
inter ruinas publicas assurges. Sed malumus id
ex tuo ore audire.

Qlim Fortuna solitum ridere Tumultus,

Nunc, quia clausi oculos, fors trepidare putas.

*Fallere: mens eadem est; nisi quòd spectacula Mundi
Sunt indigna oculis denique visa meis.*

Quique vigil, cælo, terræque tremante, stetissem,

Nunc non antè, Orbis quàm ruat, Exigilo.

In quem ipsum decretorium diem, sepulta latere
secum reliqua omnia sapienter dicta, factaque
voluisti; meliorem ibi præconem habiturus, De-
um; & maius Theatrum, in quo & nos inter plau-
dentes erimus.

PICTVRA MAVSOLEI, QVA OCCIDENTEM SPECTAT.

LIBRATA VIRTVS.

QUod Astræa Iustitiæ Præses in Cælum subuo-
lans fecit, cum vestigia rara mortalibus re-
linqueret, Libram inter sidera suspensam, id sci-
licet imitatus es Iustissime Princeps, in tuo ad Di-
vos itinere: Virtutes tuas nobis invidisti (ignosce
duriori Verbo; mitius non reperit dolor) ne sim-
plici malo defungeremur, Te amisso. Nam alioqui
vel Iustitia tua quantum cælando Tumulo argu-
mentum dedisset! quot manus fatigasset! nunc
præter

præter Libram pictori nihil permissum est, eam-
q; solâ Modestiâ tuâ gravem; id enim gnome tua
loquitur, quam itidem ex Iobo es mutuatus c. 37.

A P P E N D A T M E I N
S T A T E R A I V S T A , E T
S C I A T S I M P L I C I T A T E M
M E A M.

Hanc unam nominare tuus tibi Pudor permi-
sit, minimè obnoxiam Invidiæ; quæ vulgò
virtutis nomen ægrè tuetur, quàmque pauci
sine verecundia profitentur, ut indotatam, & du-
biæ Famæ. At tu quasi hac una niterère, neque
numum præterea unum in ærarium Dei intulif-
ses, plebeiâ Virtute, inter capite censos lustrari
postulas, & præfers notas trepidantis, *ne minus
habens invenire.* Pone, per Deum immortalem,
Modestiz tuæ modum, neque in ruborem, de-
spirationemq; genus humanum conijce; sit sanè
illa familiaris vox tua, in illo Cœli foro, SINCER-
ISSIMUM EXAMEN esse; vocetur tribunal
Dei omnium Reorum Scopulus; tibi metuere,
non licet. Obnoxium Cœlum habes, & ille ipse
Cœli Princeps MICHAEL, quem orbis terra-
rum Libripendem vocamus, quot nominibus est
tuus? certè post Cœlum, Augustius Palatium non
habet, quàm quod tute illi struxisti, eâ Magnifi-

centiâ, ut ex illo tempore Boiaria tua Romæ desit: rit invidere; ut hîc saltem Poëta Poëticè locutus: non sit,

Aliger ad Libram mores expendere jussus,

Et dotes animi Dux G V I L I E L M E tui.

Obrutus est numero Virtutum, & mole tuarum;

Et sudans manibus vix Sua Tempia tulit.

Et nisi donasset tibi se, pro Pignore, Numen,

Dignas te Cælum non habuisset opes.

Felicem te, cui Deus *Merces magna nimis!* ita enim, credo, etiamnum dices, & senties, Beatitatis torrente ebrius, qui cùm orbem Terrarum monumentis Pietatis tuæ implesses, eripi tamen illam querelam, nullâ tibi Suadâ passus es, *Nihil dignum te Cælo egisse;* quam ego unam vocem in Dei expensam Lance, dignam Aeternitate iudicatam, nefas existimo dubitare. Ingens pondus oportet inesse animo, qui, cùm pennas omnium Virtutum habebat, reperere tamen malit, quàm volare; & cælum tantùm suspirio contingat, cùm capite possit; neque ingentibus factis aliud præconium concedat, quàm unum singultum, **NIHIL F E C I.** Cur non ergo, quando tua omnia, rigidissimus Arbiter, tam tristi censura elevas, provocet ad Dei lances Poëta, expendatq; tui **PONDVS NIHILI** ad famosam D. Henrici Patellam, qui tecum eundem olim **P I I** titulum tulit, & Boiariam tuo ingenio rexit?

Volivâ

*Potivâ Henricus Cælum meruisse Patellâ
Dicitur, & libram conciliasse Scypho.*

*Tu, cum auri Montes Cælo GVILIE ME sacrasses,
Conquestus tamen es, te meruisse NIHIL
O dignam Cælo vocem! jam credo, probasti,
Immensum NIHILO pondus inesse tuo.*

Sed nimirum & illud NIHIL est, quod in pauperum greges effudisti, quorum integros exercitus non stipe, sed statis stipendiis, aluisti; per hostibi auctoratos Olympum expugnaturus, quanto meliore, quàm Gigantes, ausu! Enimvero si vel adamantinum Cælum esset, perrupissent tot Armatae preces; induxissent te eò triumphantem, vel humeris connixi, quibust tu vires dederas; & quosiam suum senium inclinavit, traxissent te, quadrupedes, aureo curru, nullos flexus, nec ambages detrectaturi, ut diuturnius esset officium suum, & pabulum: flent enim hodièq; nimium valuisse vota sua, & maluissent difficiles superos, & reluctantes, ne bonam causam tam citò perorarent. At enim Libra Iustitiæ, quam Petri Publicani sportula, in pauperum, cum stomacho effusa, depressit, succubuit tandem, horreis tuæ beneficentiæ prægravata, quæ profectò, ut Poëta picturæ adscripsit, fuit

SINE MENSURA.

*Particulam ingentis, manus olim parca, canistri,
Iecit in exosum, non sine bile, Codrum.*

Ille tamon Cæli deprefsit sportula lancem,

Atque reum abfolvit Buccæ ficca Petrum.

Quid tot aperta fami facient Ducis Horrea? Eritne

Libra, ad penſandas, huic ſatis una, ſtipes?

Pondus quidem unicum fuit, ad quod expendi potuiſti, Deus. Cætera tuæ Magnitudini impa-
ria, eoque à vivente etiam repudiata; nunquam
tecum Fortunæ, neque ipſa adeò orbis Pilâ paſ-
ſus es componi: ſupra Mortalia Bonafuit, cui
hoc ſuſpirium tam crebrò olim mitteres, *Amor
meus, Pondus meum!* Melleum Pondus, quod te
rectâ Vitæ Lineâ duxit ad tuum Centrum, in quo
nunc cubas, pauculis laborioſi ævi annis qualem
æternitatē naſtus; & quod inter homines ver-
ſanti nunquam contigit, à Deo, in certamine
Liberalitatis, victus, & tamen Coronatus. Fa-
vemus tibi, ô Magne Princeps, & quia librari cæ-
tera tua non ſuſtines, incipimus, ex voto tuo,
nos ipſos, ad Libram, expendere: Ad cuius ad-
ſpectum, ſi tu olim trepidavi, præſidentem eſſe
oportet, qui ſuo Principe vult eſſe fortior, & He-
rōe pavidus, Pumilus ridet. Poſſumus Brenni Li-
bellam veteribus Boijs remittere; diſcant illo Du-
ce vincere, nos G V I L I E L M I exemplo Vivere,
& Mori, pulcherrimas artes: Melius eſt ſeipſum,
quàm Romam, in trutina ſuſpendere, quæ etiam
Poëtæ mens inuitantis

VIRTUTIS ET HONORIS.
AD HANC LIBELLAM.

30

*Et Brennum, & veterum jactet gens Boica Libram,
Ad quam capta auro Roma redempta fuit.
Tu seros, Princeps, docuisti, Dive Nepotes,
Ad quam LIBELLAM Vita probanda foret.
Væ VICTIS, illic auditum est; tristius olim
Damnatis, LIBRA Iudice, carmen erit.*

PICTURA MAVSOLEI
QVA MERIDIEM SPECTAT.

TORVS LEONINVS.

SAcrum Fortitudini latus **L**eo implet, sed dormiens; novum Modestiae tuae Argumentum, Fortissime Princeps, omnes Virtutes inumbratis: Cogis Leonem nos non ex Vngue, aut Voce, sed ex Somno agnoscere, ratus hîc saltem nihil fore, quod tradi Famæ posset, & maiorem te redderet, quàm velles. Vix lemma hoc Toro adscribi passus es

REQUIESCENS ACCVBVISTI VT LEO, QVIS SVSCITABIT
EVM? *Genes. 49.*

Quando illud memineras ad Leonem de tribu Iuda pertinere, cuius tu pedibus non modò iubam spontè substerneret, quod Patri suo Catuli solent,

sed insuper ſtipare latus perpetuus ſatelles ambi-
res, habiturus pro magno, ſi te placidus aspice-
ret, & ſubinde nitidioris oculi radio verberaret;
Nōrunt enim, cui ſerviant Leones. At enim ille mutu-
um fecit, & vt certè fortior eſt, ſuperavit te in lu-
cta amoris. Invaſit pectus tuum, & totas hauſit
Victor medullas; atq; ut ſemel, quod optas, audi-
as, duxit te captivum Vinculis violentiamoris,
& quod fortasſe tibi rubōrem augebit, ex Leone
Agnus factus eſt, vt clarior illius eſſet Victoria, ſi
vinctum Leonem traheret: proinde etiam nunc
prædæ ſuæ advigilat, neque à dormientis latere
diſcedit; olim, cū viſum fuerit, pervellet tibi
auriculam, & in publico triumpho oſtentabit te
orbi terrarum, magnum potentiæ ſuæ ſpectacu-
lum: Enimvero Poëta, cū tibi ipſas catenas tu-
as melli eſſe ſciret, etiam Equeſtre aurum, quod
de collo vivuſtulisti, iniectum tibi ab hoc Agno
dixit, eoque nomine, Imaginem illius auream,
vellere item aureo, impendiſſe pectori tuo, quo
ipſo in loco Amoris tam luculentam plagam ac-
cepisti; proinde cum captivum Leonem in Boi-
cis Rhombis pictor porrexiſſet, inter colores,
quos cum ſereno cœlo communes habent Boici
Leones, id denique ſcripſit eſſe

A D R H O M B V M.

*In Gentilijs dormis, Leo Boice, Rhombis,
Torquatusq; Agno, nil, vigilante, times.*

Nimi-

*Nimirum hic tuus est Aurati Velleris Agnus,
Ille tue quondam tessera Militia.*

*Nunc somnum indulget fesso, dum jussit olim,
Ad nota sonitum te vigilare Tuba.*

Nam ad Pauperum complorationes, mæstosque ululatus, quos Toro tuo circumfusi edunt, nunc quidem evigilare non licet : Olim tibi horum, etiam gemitus, & ieiuna suspiria abruperunt somnos; adeò inclamare opem tuam necesse nō fuit, spontè egentium commodis advigilantem, & in his pietatis excubijs indefessam. Hi ergo, quibus, putas, oculis, aut votis torum tuum frequentant ? in quo illa manus cubat, quam tum maximè Serenissimam vocârunt, cùm plueret aureo imbre; Fortissimam, cùm Domestica monstra sua, Famem, Nuditatem, Orbitatem, Morbos, Indigentiam, quæq; alia incommoda, totâ miseris mole, incumbunt, prosterneret, fugaretque: Proinde ille verè Leoninus versus, Romæ primùm in humanum Leonem, cum sparsione florum, iactatus, qui Androclum unum hominem servaverat, unâ hodie litera auctior, à totis Rogatorum gregibus tua ope servatis, in te, Beneficentissime Leo, repetitur.

**HIC EST LEO HOSPES HOMINIS,
HIC EST HOMO MENDICVS**

LEONIS:

**Et propè evicerant, vt illius Romani Imago cum
tuâ**

tuâ coniungeretur: maluit tamen Pictor Samsoni,
cum substituere, non reluctantibus Codris, quan-
do ita etiam altera illis nata Nænia est, quam
Samson problematis loco proposuit, quod men-
dicabulis illis promptiùs expedire nemo potuit,
neque in aliena vitula arantibus, neque tot die-
rum inducias in obuiæ quæstionis indaginem po-
stulaturis: Nemo illorum tam Infans est, qui non
exclamaret, *Quid dulcius melle? quid fortius Boieo
Leone?* Iam igitur non obscuram Leoni Epigra-
phen adscripsit Poëta

DE FORTI DVLCEDO.

Mella Leonino, quæ Samson repperit ore,

Illic florilega deposuistis Aves.

Sed nostri favus est natus in ore Leonis;

Hujus enim semper mellea Lingua fuit.

Et patulum hic Samsonis erit problema; fatentur

Codri, exisse suum de Comedente Cibum.

Quas voces etsi fortasse, ut plausibiliores, malles
supprimere, osor humani plausus; quid tamen
Cœlo facies longè maiora auso? neque affini tan-
tùm nostræ noxæ, sed multò illustriùs peccanti:
Nam cùm funebres faces, quas Tumulo tuo ad-
movimus, penè extinxisses, Cœlum festos, & tan-
tùm non nuptiales ignes, Nonori tuo accendit,
quos tu scis æternos esse, & flabra, ventósq; con-
temnere: Sanè qui cœli picturam intelligunt, tria
potissimùm sibi sidera notârunt, famulantibus
radiis

radiis tibi emancipata, LEONEM, VIRGINEM, LIBRAM; hinc pictor illa penicillo exscripsit, & Poëta oblitus muneris sui, lacrymis absterfis, ex Lesso ad Hymenæum transiliit, & Nuptiale lemma tumulo adscripsit.

COELESTE CONNVBIVM.

VIRGO, LIBRA, LEO, *confinia sidera cælo,*

Sunt jubar in Tumulum spargere visa tuum,

Ille TVOS retulit vultus, Astræa RENATÆ,

Amborum mores arbitra Libra probat.

Sed neutri addixit (fuerant paria omnia) palmam;

Decidit litem Numen, VTRIQUE DEDIT.

Bonū factum! demus sua Astris nomina, & quoties Cœlum suspicit Boiaria, adoret suos Principes, GVILIELMVM & RENATAM, quos iam olim sua appellavit, sensitque sidera, & Olympo ideò reddidit, quia hæc stellarum non patria, sed exilium est: quanquam nec sic abiêre; non modò, quia cives suos quotidie revisunt, multò serenior vultu, sed quia etiam nubem corporis, quæ illorū radios nostris oculis attemperavit, apud nos deposuêre, ut Augustissimum Templum non modò Militiæ Cæli sacrum esset, sed etiam ab horum siderum mortalibus exuviis, lucem acciperet. Leo certè non ita clausit Lumina, ut non emerent scintillæ, stricturæque serenitatis: eoque Pictor Leonem flammante vultu Aræ imposuit, qualis olim in Hermiæ Reguli tumulo

mulo stetit marmoreus, smaragdinis oculis, qui postea, cum gemmarum luce offensi Thynni refugerent, exempti sunt: Poëta nostri sideris post occasum lucentis oculos miratus, hanc Epigramphen carmini addidit.

POST FATA LVCET.

*Hermie in tumulo recubans Leo saxeus, ignes,
Ore, in vicinas est jaculatus aquas.*

*Tu, quanquam jaceas non inconnivus in urna,
Ex oculis radios spargis, ut antè, tuis.*

*Agnoscant alij viros ex ungue Leones,
Nunc produnt radij te, Leo Boie, tui.*

Quos ipsos ominamur fore æternos; nemo extinguet, aut eximet has gemmas; hoc privilegium oculorum est, qui Deum cœperunt intueri; non amplius caligant: sicut nec manus possunt putrescere, quæ Immortalitatem Beneficiâ emerût.

PICTVRA MAVSOLEI, QVA SEPTENTRIONES SPECTAT.

MORTIS SEPVLCHRVM.

SEd patiamur te Triumphos Fortitudinis tuæ abscondere; quando tibi decretum est, in funere Laurum non induere: Temperantiæ modestior est Pompa, neque petit purpuram, in qua
splen-

Splendeat: quæ si spectari publicè velit, tuo vultu, cultúque pulcherrima prodibit, Modestissime Princeps, quem terris tantisper Deum concessisse existimem, ut huius Virtutis illustre extaret simulacrum; quam ut ad vivum exprimeres, Principis Personâ positâ, te ipsum in ordinē redegisti, memorabili quidem ad posteros exemplo, iacturâ tamen adeo nullâ, ut cum deinceps nihil Cupe- res, nihil Metueres, verè Regem te factum, aucto imperio, intelligeres: cuius Regni tui acta explicaret hic paries, nisi tam Fastos, quam fastum odisses. Maximum operum tuorum Pictor, penè ingratis tuis, tumbæ inscripsit,

ABSORPTA EST MORS IN VICTORIA. *1. Cor. 15.*

De reliquo satis tibi fuit, veterum Modimperato-
rum exemplo, Mortis à te Triumphatæ larvam
in omnes Mensæ inijcere, mutum Doctorem,
Temperantiæ, aut vetus carmen repetiturum,
**EDE, BIBE, LVDE, POST MORTEM
TALIS FUTVRVS.** Nimirum mavis vel ex
hoc hoste tuo, quàm ex te sumi documenta Vir-
tutum: At enim, si omnino præcepta Vivendi pe-
tenda sunt ex Vrba, quidni è Tuâ ea meliùs hau-
riamus? spirantem Virtutis suaueolentiam haud
paulo avidiùs indè bibituri, quàm Mausoli sui
cineres

cineres Artemisia : quamquam neque tu à tali
 Cænarum promulside abhorruisti; cum enim
 Vita tua omnis Mortis esset Meditatio, inter pias
 lacrymas, & Amoris divini incendia, ipsissimum
 Modestix succum, è Cineribus eliquasti; quam
 tu Aquam Vitæ verissimo, & pulcherrimo appel-
 latam nomine, propinas Mortalibus: etsi non de-
 erunt Fastidiosi Convivæ, qui vinum Domini-
 cum dedignentur, & nolint bibere ex Principis
 Vrna: Poëta tamen, Tuo nomine, pretiosissimo
 liquori hederam suspendit;

EX MORTE AQUA VITÆ.

*Excoquite Hortenses, morituri, & condite succos,
 Sudent in vestris tota rosæta focis.*

E siccâ stillat mihi Vitæ Potio Testâ,

Hanc ego Theriacam, præ Mithridatis, amo.

Manat ab exanimi Vita, & Sapientia, trunco,

Calvâque, quæ Cerebrum non habet, illa dabit.

Hinc illa Vitæ tuæ incomparabilis ratio, & Aula
 verè Sancta; nisi Modestix Templum appellare
 malumus, tuis moribus dedicatum; imò Panthe-
 on omnium Virtutum; quas, quia, sine te, pro-
 ducere nō possumus, Tecumq; ostentare prohi-
 bemur, iuvat adorare silentio, & illis tam nobi-
 lem Aram gratulari, Maximi Principis pectus;
 nec Aurum, nec Phidiam postulant; à Te, & in Te,
 Optime Princeps, ad miraculum elaboratæ. Tu
 solus nullius in te lineamenta agnovisti, sed ne
 umbram

umbram quidem; Mortis Imaginem te solitus dicere, neque aliter venditare ausus; quanquam neque Cœlo, neque Orbi terrarum persuasisti, ut dicenti tibi, quàm oculis suis mallent credere: difficile est, simulare Virtutem; dissimulare difficilius; odorte, & spirantia etiam, te invito, Balsama, & nativus splendor, nullâ satis nube pressus, prodiderunt: Poëta nihilominus, in tuæ spem gratiæ, quasi tecum sentiret, gratum lemma tumulo affixit,

VIVA MORTIS IMAGO.

neque tamen existimo illum ex tuo magis voto, quam vero ita scripsisse:

Non satis est veluti Moriturum vivere: Nobis,

Annâ, vitâ, fuit pluribus una, Mors.

Hac oculos ex lege meos, hac ora ferebam,

Christe! tuæ fixum me ratum esse Cruci.

Hinc nihil in nostram potuit Mors ossa vitam,

Quam speculum forma viderat esse suæ.

Nempe Basiliscum illum (quod Pictor in Tumba expressit) ait in speculum suum incurrisse: nos id potius credamus, quando omnia mala nomina danda illi Feræ sunt, quæ te nobis abstulit, Fatalem Scorpionem, in illo vulnere, quod tibi fixit, aculeum perdidisse; ut illi insultare liceat, veteri convicio, quod ægerrimè semper audijt, *Ubi est Mors Victoria tua? ubi est Mors Stimulus tuus?* Certè mortuum te, GUILIELME, neque qui effe-

runt,

runt, satis credunt. Tu ipse id quotidie fecisti, & familiarior tibi propè sandapila lecto fuit; ut necesse tibi etià hodie sit, Mortalitatē, pluribus documentis, probare; nam neque vetus Themistoclis dictum à te usurpatum, Poëta satis ad mentem tuam explicavit,

PERIERAM NISI PERIISSEM.

Occidit, occideritque sinas Sol Boicus orbi;

Nempe etiam has debent Astra subire vices.

Sed reditura cadunt; vitam Mors gignit: ut idem

Scorpio, quæ fecit cuspide, damna leuat.

Scilicet hæc ars est nostri Paradoxa Magistræ,

Vivere, ne vivas; ne Moriare, Mori.

Sanè tu ipse Mortē rides, cœso Principe jactātem

OPIMVM SPOLIUM.

Regiam verò laudem! captata tot annis.

Mors spolia, Annosi cepit, Opima, Ducis.

Noluit illa tamen solito suspendere Truaco,

sed secum in nigro contumulare specu.

Invidit mihi delicias, quas vivus amabam;

Nôrat enim mihi nil suavius esse Cruce.

Pangamus ergo hanc felicem Arborem ad Tumulum tuum, & cuius in Cœlo fructu pascaris, hîc fruaris Vmbrâ. Hîc sceptrâ, hîc purpuram, hîc magna omnia Nomina defode, humilia assume; Voca te Cinerem, Pulverem, Lutum; nos te VMBRAM dicemus, sed **CYCIFI XI.**

TRADV CES E.

LYSII AD MAVSO-

LEV M DE PACTI

A Picturis ad Arbusta Spectatorem deducimus; quæ ad quatuor MAVSO LEI latera, non infæcundo solo, depinximus. Atque hinc in primis iubemus facessere; quicquid funestarum stirpium Pyræ veteres, sive ustrinæ arcedæ, sive cadaveri pulverando, admiserunt, Laricem, Taxum, Piceam: sola *Cupressus* inter feliciores ramos locum aliquem hinc suo sibi iure vindicabit.

CVPRESSVS

**IN QVA PHOENIX PILEO
BOICO IN SIGNIS NIDV.
LATVR.**

A Tque huius tu Arboris ferali aspectu ne ter-
reare, quisquis PRINCIPEM tam SERE-
NUM, & Humanum, cum voluptate sæpe
vidisti; AVEM ipso in vertice nidulari volumus,
raræ plumæ: ut, quantum frutex præferret Mor-
tis, tantum nidus promitteret Immortalitatis.
Enim-

Enimvero homo & GVILIELMVS fuit, etſi
PRINCEPS: nihil à ſe alienum hominis puta-
vit: unde & ex Fatorum lege ad plures ijt, & mo-
riendo, vivere occepit. Adeò miſerum non eſt,
mori aliquando incipere; cùm ad vitam hac viâ
graſſemur mortales. Sit igitur funeſta *Cypreſſus*,
dummodo eadem ſit & rediviva:

EX FRVCTV ARBOR COGNOSCITVR

Matth. 12.

*Vixit odoriferis Cypariſſus poſthuma ramis,
Celſo immortalem vertice geſtat Avem.*

*Ballor, an hac ſtruxit GVILIELMVS in arbore nidum?
Et taceant rami, PILEVS iſtud ait.*

*Vive diu OY... IX: περὶ τῆς, niſi mortuus eſſes,
Vivere jam poſſes, Dux GVILIELMVS, diu.*

Hoc enim, quod hîc vivimus, quantillum eſt?
Σπθαμὴ τῆς βίης. ſeu vt ille: Οἷον πέρετε φύλων γε-
νῆς, τῶνδε καὶ ἀνδρῶν.

Aut potiùs.

Somnus, Bulla, Vitrum, Glacies, Flos, Fabula, Fœnum:

Umbra, Cinis, Punctum, Vox, Sonus, Aura, Nihil.

Et heu! pro Nihilo hoc quanta maria navigan-
tur? quot bella ſuſcipiuntur! Turres, Palatia, Vr-
bes ædificantur! Quæ quidem generoſus GVILI-
ELMI auimus iam olim talia duxit, qualia ſunt,
NIMILVM, nihili: togatus, non inter Patres, ſed
Plebem:

Plebem: miles, non inter tympana, Sed Tempora:
verè, si quisquam alicubi alius, PRINCEPS
PACIS.

O L E A.

AD QVAM LEO BOICVS
RHOMBIS SVIS INDORMIT.

Quid ni ergo ad MAVSOLEI pergulam, vi-
vacibus ramis, protuberet furculus Palladis?
Pingue est hoc germen; immune à carie;
ducentis annis durabile. Sed hi quid ad Æterni-
tatem? Adde somno, & beatitudini LEONIS
BOICI ducentos alios; adde alios; adde mille-
nos; adde plures: IN PACE FACTVS EST
LOCVS EIVS: ad Olivam lectulum reperit:
quiescit diutius; omnibus bonis unâ voce appre-
cantibus,

REQUIESCAT IN PACE.

Quisquis ades, fessum noli turbare LEONEM,

Isthac quem voluit Parca quiete frui.

Non frustra umbrosæ dormit cômpositus Oliva:

Æternâ dudum vivere PACE cupit.

Obtulit hanc illi torus hic: non invidet Æther:

Acclamare tuum est: SVAVITER. EVGE. DIV!

Nisi fortasse ad FICVM suaviùs dormiret, quàm
OLEAM: utpote cuius baccæ cum fructibus
GVILIELMI, sapore, gratiâ, salubritate mi-
rifice

rificè conspirant. Erigat ergo sese, & MAVSOLEVM PRINCIPIS optimi, Arbor optima stipet.

F I C V S

CVIVS POMA HIANZIA PVRPV-
RAS, LEONES, MITRAS, CRV-
CES, &c. ostentant.

Nimirum facilè non degenerant stirpes: nec,
ut magnus magni Veri Auctor ait, *legunt de
spini vvas, aut de tribulis ficus*; Et Leones non
pariunt lepores: &

imbelles

Non generant Aquile columbas.

Oraculum est:

Fortes creantur fortibus.

A FICV igitur quid expectassemus aliud, quàm
dulce quid, amœnum, nectareum? quod nisi sa-
piat, omnibus Galenis consentientibus, vitium in
stomacho est, non pomo:

**ARBOR BONA BONOS FRVCTVS
FACIT.** Matth. 7.

*Ardua pomiferis, quæ prensat nubila, ramis,
Ingenium certè nobilis Arbor habet.*

*Surgit, quando cadit. Nunquã GVILIELME stetit
Altius, hinc quàm dum flebilis Umbra jaces.*

Nec

Nec minus in FRUCTU ingenium est; mirabile dictu!

Quando cadunt, sursum BOICA POMA cadunt.
Prodigium! sed ijs, qui ignorant naturam Virtu-
tis: quæ sursum semper fertur, & in arduo, per-
ardua, sedem quærit:

Virtus recludens inmeritis mori

Cælum, negatâ tentat iter viâ:

Cætiſque vulgares, & vdam

Spernit humum, fugiente pennâ.

Quare in cœlo omnes denique Arboris huius fru-
ctus colligentur: ita auguramur: ita vovemus: ita
GVILIELMO & LAVRVS stabit, & MAV-
SOLEVM coronabit

L A V R V S.

VENTIS OMNI EX PARTE PRESSÆ,
NON OPPRESSÆ.

ATat, quid LAVRVS inter Nænias? quæ
Epiniſijs aſſueta, pro foribus Cæſarum, &
Pontificum, gratiſſima (ut ille loquitur) la-
nitrix excubare novit potiùs, quàm buſta ſervare.
Temere hîc ſtaret, fateor, niſi vel Imperatorum
ſanguis GVILIELMVS fuiſſet; vel nos mor-
tem ipſius ruinam potiùs, & interitum, quàm
Victoriam, aut Triumphum iudicaremus. Quid
enim illius perijt? vivit in Liberis, vivit in factis:
& ut de poſteriore aliquid: ea ſunt, quæ
geſſit

gessit hic Heros in togâ, qualia qui in fago patrâ-
set, nâ ille cum Lauro in Capitolium, intergesti-
entium triumphantes voces meritò deduceretur.
Sed GVILIELMVS in cœlum duci conten-
tus est. Virebit igitur æternâ sub arbore eiusce-
modi caput: Perennabit GVILIELMVS, &
quod GVILIELMI est; quantumcunque si-
ve intra claustra, siue extra fremant rabiosi venti:

FOLIVM EIVS NON DEFLVET.

Psal. 7.

Stat, licet Aeolijs prorumpant undique castris

Agmina, & invicto vertice LAVRVS oras.

Entibi de FOLIIS nullum, GVILIELME, putamus,

Excidit; æternâ prosperitate virent.

Tantum in RADICE est. Euros videre, Notosque,

A magno didicit, magna propago, DVCE.

*Aut si non à LEONE sanguinem hunc, & ge-
nium traxit generosa posteritas; quânam, tantis,
obsecro motibus, ac tempestatibus adhuc pares,
immò superiores esse potuerunt LEONES
Boici?*

Ollis ceruleus supra caput astitit imber,

Noctē, hyememque ferens: & inhorruit unda tenebris.

Ipse gubernator puppi FERNANDVS ab alta,

Heu, quânam tanti cinxerunt athera nimbi?

Quidue pater Neptune paras? sic deinde locutus

Colligere arma jubet.

Iure

Iure ergo LAVRVS coronat LEONEM,
 qui hostium sanguinem fudit, amicorum ut ser-
 varet: Iure ad cœlum usque evehimus GVILL-
 ELMVM, qui, nec cœlum multi perderent, cum
 SVIS effecit:

*Pandite vos igitur, cœlestes, Sidera, portas:
 Magnis è terra sumptibus, Hospes adest;
 Hospes non humili Bojorum sanguine cretus,
 Cujus jam priscos novit Olympus Avos.
 Nec dubito vacuum GVILIELMO stare Tribunal,
 Et (veniat quamvis serò) vacare locum.
 Scilicet exiguis, ad sidera, passibus itur,
 Nullâque in pugna fit puto, pugna minor.
 Heu mihi, quàm rari cupiunt hic esse petauri!
 Quàm pauci currunt Bellerophontis equo!
 Sunt tamen & ludi hæc, possunt & OLYMPIA dici,
 Quando capit palmas Victor, Olympe, tuas.
 Interea (ô monstrum!) (veteris quos gloria Circi
 Commendat, nullos hîc habuere pedes.
 Atque hanc non Salius metam, non ipse Diore,
 Nunquam hanc viderunt Nisus, & Euryalm.
 Quæq; vel intactæ segetis per summa volâset
 Gramina, in hoc stadio tarda Camilla fuit.
 Immo, ut sunt volucres pueri, cupidique corona,
 Linqunt barbato sape volando viros.
 Solus par magnis Cursor Cursoribus ivit,
 Ardet in Elysiis dum GVILIELMVS opes.*

gessit hic Heros in togâ, qualia qui in sago patrâs-
set, nâ ille cum Lauro in Capitolium, intergesti-
entium triumphantes voces meritò deduceretur.
Sed GVILIELMVS in cœlum duci conten-
tus est. Virebit igitur æternâ sub arbore eiusce-
modi caput: Perennabit GVILIELMVS, &
quod GVILIELMI est; quantumcunque si-
ve intra claustra, siue extra fremant rabiosi ventis

FOLIVM EIVS NON DEFLVET.

Psal. 7.

*Stat, licet Aeolijs prorumpant undique castris
Agmina, & invicto vertice LAVRVS orat.
En tibi de FOLIIS nullum, GVILIELME, putamus,
Excidit; æternâ prosperitate virent.
Tantum in RADICE est. Euros videre, Notôsqve,
A magno didicit, magna propago, DVCE.
Aut si non à LEONE sanguinem hunc, & ge-
nium traxit generosa posteritas; quânam, tantis,
obsecro motibus, ac tempestatibus adhuc pares,
immò superiores esse potuerunt LEONES
Boici?*

*Ollis ceruleus supra caput astitit imber,
Noctē, hyemēque ferens: & inhorruit unda tenebris.
Ipse gubernator puppi FERNANDVS ab alsa,
Heu, quânam tanti cinxerunt athera nimbi?
Quidue pater Neptune parat? sic deinde locutus
Colligere arma jubet.*

Iure

Iure ergo LAVRVS coronat LEONEM,
 qui hostium sanguinem fudit, amicorum ut ser-
 varet: Iure ad cœlum usque evchimus GVILL-
 ELMVM, qui, nec cœlum multi perderent, cum
 SVIS effecit:

*Pandite vos igitur, cœlestes, Sidera, portas:
 Magnis è terra sumptibus, Hospes adest;
 Hospes non humili Bojorum sanguine cretus,
 Cujus jam priscos novit Olympus Avos.
 Nec dubito vacuum GVILIELMO stare Tribunal,
 Et (veniat quamvis serò) vacare locum.
 Scilicet exiguis, ad sidera, passibus itur,
 Nullaque in pugna sit puto, pugna minor.
 Heu mihi, quàm rari cupiunt hic esse petauri!
 Quàm pauci currunt Bellerophontis equo!
 Sunt tamen & ludi hæc, possunt & OLYMPIA dici,
 Quando capit palmas Victor, Olympe, tuas.
 Interea (ô monstrum! (veteris quos gloria Circi
 Commendat, nullos hîc habuere pedes.
 Atque hanc non Salius metam, non ipse Diore,
 Nunquam hanc viderunt Nisus, & Euryalm.
 Quæq; vel intacta segetis per summa volâset
 Gramina, in hoc stadio tarda Camilla fuit.
 Immò, ut sunt volucres pueri, cupidique corona,
 Linqunt barbatos sæpe volando viros.
 Solus par magnis Cursor Cursoribus ivit,
 Ardet in Elysiis dum GVILIELMVS opes.*

Non illum Aeolius plantis equavit Achilles;

Non puer aërio corpore vicit Atas.

A prima observans semper lanugine recti;

Consilio Fabius, Religione Numa:

Quicquid & Orcina contra movère Phalanges.

Quicquid sacrilegum factio, pluma fuit.

Non stetit ad pomi jactum, non obfuit illi

Callida femineis Hippodamia dolis.

Iustior & Pelope est victor: nec cessit arenâ,

Deprimeret fessos cum gravis ala pedes:

Ipsaque jam raris veneranda Senecta capillis

Diceret: heu! nimium Dux GVILIELME volas!

Parce nivî, brumâq; tuâ, longoque labori:

Non bene Cygneas portat arena comas.

Post, sudent alij, quibus est robustior atas,

Quique minus partæ posteritatis habent.

Te tua jam dudum, ramo ex meliore, corolla,

Aurea jam dudum te tua sella vocat.

Audijt hæc PRINCEPS, non hæc tamen audijt ille,

Nil monitis, senio nil dedit ille suo.

Quâ cœpit, pergit: speratur laurea; cursum

Non nisi cum sera sistere morte cupit.

Im flexus tremulis pulsavit sidera palmis,

Iam palmis calidas addidit ille preces.

Hoc telo, Superi! quantos ille egerat hostes?

Nuper in hostili dum furit ira sago.

Boica multifido classis descenderat Istro,

Armata ad pacem, Terra Bohæma, tuam:

Pugna

*Pugna fit: interea GVILIELMVS supplicat astris,
 Quòdque alij telis, hoc agit ore senex.
 Spontè suum sequitur Dominum plebs omnis, & una,
 Speratam, è cælo, voce precatur opem.
 Vincitur. Aut votis hoc MAXMILIANE paternis
 Debes, aut debes MAXMILIANE tuis.
 Non certè hoc gladij potuère, vel hostibus ipsis
 Testibus; armata non potuère manus.
 Hora fuit; non tota fuit: hostilia, Rhombo
 Stante, repentinam castra dedere fugam.
 Nempe exorato VICTORIA venit Olympo,
 LAVRVMQVE in Boijs crescere iussit agris.
 Crevit, & ad Tumbam GVILIELMI aeterna virebit,
 Vt quoties pugnant Boica castra, ferant.
 Aude igitur Palmas jam certus tollere, crescit
 Quando tibi LAVRVS, MAXMILIANE, domi.*

PYRAMIDES


QVATVOR, AD QVA-
 TVOR LATERA MAV-
 SOLEI.

IAm verò illas Ptolomæorum substructiones, &
 Imachinas videres; nisi nos vel Ingenium, vel
 census, vel annona, vel tempus, vel omnia,
 potiùs defecissent. Et gaudemus me hercule,

hic impositum Apollini, eiusque Operis modum, illâ Modestissimi Principis cautela : NE QUID MAGNIFICENTIVS. Nunquam paruimus facilius : Itaque PYRAMIDES ista nostræ non erunt ex quatuor illis ; quarum una octo soli iugera, paribus angulorum interuallis perhibetur fuisse complexa : altera à sexcentis hominum millibus, viginti annis, ædificata : Tertia, in quam mille octingenta talenta expensa, pro raphanis, allio & cepis, quibus artifices alerentur. Quarta Chæopis Regis, quæ in quinque stadiorum spatia longitudine excurrerebat. Nos parcius ædificamus, neque ex Æthiopia, neque Arabia advectis lapidibus : quibus & sufficit quatuor structura latera atramento tegere, non rubrica ; ne in luctu gaudere videamur. In nostris igitur Pyramidibus Apicem solum, & Basim admiraberis : illum, qui fastigiatus, ceu gnomone quodam, & digito ostendat, quò GVILIELMI, in vivis, cogitata, dicta, facta spectârint : hanc, quæ in quadrum proiecta, Constantiam, in beneprudenterque cæptis, atque immotum semper Principis animum designet. Neque enim dum cecidit, etiamsi putetur : quod proximæ Pyramidis facies rectè monet.

QVO





ETSI optimo cuique PRINCIPIVM FELICITATIS idem est, qui FINIS MORTALITATIS: succiditamen GERME aliquod nobile, procerum, ferax, amœnum, illustre, lugendi magis, quàm ludendi videtur argumentum. Quid facis cruenta MORS! irascerer, nisi imperiò alieno ferires: nunc flere malo, & quod impedire non possum, improbare non audeo, cum viris fortibus, ferre. Eheu! pudet erroris! Falce te solùm, & Telo armatam credebam priùs; ita mentiti sunt Poëtæ; Securi, ut video, uteris etiam; præsertim cùm alti Vertices secandi: adeò nunquam defunt furiosis arma; quando talibus suus ipse

Furor arma ministrat.

Si humilem Myricam succidisses, tacerem: si infelicem Rhamnum, nihil quererem; si Morum, fatuam, Rubum asperum, Oleastrum amarum, alium aliquem truncum sterilem, inamœnum, fruticosum, etiam gauderem: nunc autem, cùm omnium longè fertilissimam, loco amœnissimo sitam, fructibus dulcissimis onustam POMVM è medio sustuleris, hoc enim verò est, O MORS, quod calamo, stilo, lacrimis videtur prosequendum. Cui Te, GVILIELME, POMO quidni as similem? qui fatale illud MALVM, sanè Malum, tot Virtutum pulcherrimarum fructibus quodammodo tua ex parte compensasti; Igitur

tur non vnam modò gratiam meretur POMVS:
Multis modis placet, quia multis FELIX.

FELIX VISV.

POMVS, & Ambrosium VISV mirabile POMVM,
Nostrum, eheu! stygia perdidit arte genus.

Atqui iterum celsas hæc se libravit in auras

ARBOS, proque vno, POMA trecenta tulit.

Putreat, & folys pereat morientibus illa,

Nunquam hæc (sunt factis amula) POMA putrent.

Quid ita? non Persica hæc sunt, non Punica; sed
Boica: & Plinio ignota: quæ neque usu absumun-
tur, neque tempore marcescunt; neque oculis, ni-
si lippis displicere, neque palato, nisi vitioso de-
sipere possunt. Cum sportulis certè adsunt, & ca-
lathis cœlestes Genij, leguntque certatim Boicæ
Virtutis, cum bona POMONÆ veniâ, quod in
Triclinium Immortalitatis inferant, CHRISTO-
QUE gustandum proponant. O tua, GVIL-
ELME Princeps, verè BONA MALA, quæ
hoc os meruerunt! ô nobilem surculum? ex quo
nobilissimi prodierunt! FRVCTVS antiquæ
Fidei, incorruptæ Religionis, probatæ Constan-
tiæ, indefessæ Pietatis, celebratæ Prudentiæ, raræ
Munificentæ, noti in divino honore propagan-
do, in Hæresi opprimenda, in salute aliorum, &
præcipuè Magnatum, promovenda, Studij, &
Fervoris. Quid tu iam cruenta, & inhumana,
MORS, tua cum securi, in Fructus tam illustres,
quid

quid in istam possis ARBOREM? quæ (mirum dictu!) ipso interitu suo crescit, ipso est

FELIX CASV.

Cæd licet, stricktâq; vibra Mors iussa securim;

Et Vita, & Fructus ista sat ARBOR habet.

Et septem, & decies septem stetit ardua messes;

Deniq; subiectam Cædua ditat humum.

Molliter ô ARBOS partis tot labere gaxis:

FELIX, quæ Pomus in sua POMÂ cadit.

Enimverò diutius cur stet, non habet. Et GVILIELMVS Noster à Fortunâ porrò vivus quid expectasset? quid accepisset? Amalthææ cornu dudum exhausit: Coniugem extulit plenam nominis, plenam virtutis: Liberos amplexus est, sub Purpurâ; Vidit inter Septem viros, cum Pædo, & Pomo: nec Pater modò, sed & Avis jam pridem audivit: Affinis maximorum Principum, Socer Imperatorum: Provinciam reliquit moriens incolumem, Florentem, Victricem: & si in Filio vivit, si vincit Pater, Deum immortalem! quoties triumphavit GVILIELMVS? Fructum ergo vitæ abundè tulit, & cum Morte expostulet? nobis quidem id negotij relinquit; quibus tali PRINCIPE carere nimis quàm acerbum, & luctuosum est. Fruatur ille partis, quia ideo peperit: Fruatur Pomis; quia eum in finem Arbor excrevit; illa maturuerunt: ô Germen! ô Fructus

FELIX

FELIX GUSTV.

Punica mulcendis carpuntur MALA palatis:

Sunt qui mella legunt; qui melimela legunt.

Ille mihi sapiunt, quæ Boica protulit ARBOS,

Pignora tam rari non peritura Senis.

O Dulci, ô Dulces, isto de GERMINE, fructus!

Nunc nunc Hesperidum, nunc mala MALA puto.

Præsertim cum à tam nobili manu legantur, tam molli sinu foveantur. Viden' circumcursantes alatos Iuvenes, certatim in autumnum Virtutis involantes? Hic Eleemosynas Liberalissimi PRINCIPIS canistro excipit; ille preces nocturnas, diurnasque calathò includit. Credas videre certantes olim Nymphas pro floribus;

Prætorum spoliatur honos: hæc lilia fuscis

Intexit violis; hanc mollis amaracus ornat:

Hæc graditur stellata rosis; hæc alba ligustris.

Par Angelis pugna in POMIS. Hic Gemitus, & Suspiria exundantis, præ desiderio Immortalitatis, generosi pectoris, sinu fovere; ille manu sobriæ cœnæ analecta colligere: apta enim sunt, & hæc corbulis, & (quod mireris) tristitia cœlo.

Te quoque flebilibus merens Hyacinthe figuris,

Narcissumq; metunt: tunc inclita gramina veris

*Præstantes olim pueros; tu natus Amyclis:
Hunc Helicon genuit; te disci perculit error;
Hunc Fontis decepit amor; te fronte retusâ
Delius, hunc fracta Cephysus arundine luget.*

Quid multa? Flores, an poma tulerit hoc GER-
MEN; est illud certè

FELIX SIN V.

*Cætera textilibus clauduntur POMÆ canistris,
Qualia de sterili vimine Flora fuit.*

*Hæc tua cœlestes gaudens attingere dextra,
Quæ tecum ad mensam, Dux GVILIELME, ferēt.*

FELIX tantarum sequitur quem Gloria rerum:

Claudetur POMIS Mensa secunda tuis.

Tecum dixi, ad Mensam illam dapilem ferent,
beatissima, PRINCEPS, Poma; indecens enim
videretur, ut, ad quod convivium tuam SYM-
BOLAM attulisses, ipse tu non admittere. Abi
securus: nisi enim me visus fallit, video CARO-
LOS, video HENRICOS, maiores tuos, in sum-
mo cœli vertice, renidenti vultu, lætis oculis, por-
rectis manibus, te invitantes, & SOLIVM HO-
NORIS, quod tibi piam mortalium, & Immorta-
lium VOTA construxerunt, indigetantes.

COLLOCET EVM CVM PRIN-
CIPIBVS, CVM PRINCIPIBVS.

POPVL I SVI Ps. 112.

PRÆCLARI VOTI præclarus AUCTOR! qui qui-
dem

dem ne Serenissimæ Genti Boicæ acerbior esse videatur à GVILIELMO mutari locum vult, non conditionem; PRINCIPEM ad PRINCIPES abire, à suis, ad suos. Et si liceret, vates Vati, Citharædus Citharædo accineret, impare quidem, sed non impio plectro. Accepit enim Apollo, cum universo Musarum Parthenone, à Boicæ manu, quod servare tacitus, absque gravi totius Parnassi nota, sibi videtur non posse. Agite tamen, &, quibus vacat, aures date. Tametsi enim Modestissimus PRINCEPS Posthumæ impatiens Fame, ora Pieridum in suas laudes iam pridem occludere conatus sit; cæperunt tamen, insolenti miraculo, ipsæ Citharæ, ex Lauris, per Heliconem, pendulæ, sine plectro, sine digito, sine Magistro, ita occinere.

P O T A A P O L L I N I S.

*I Felix nostris PRINCEPS dignissime VOTIS,
Cælestis dudum jam tibi SELLA vacat.
Cernis, ut Heroes cognato sanguine Baij,
Ad merita, intento pollice, dona vocent.
Non faciant illi, SEDEM hanc tibi ponit Apollo,
Tam bene quando, tuo munere, & ipse SEDET.
Est enim & in Boicæ Parnassus, qui non minus,
quàm ille in Phocide.*

geminò petit athera colle.

vbialternæ MONACHIENSIVM, &

C 6 IN-

MAVSOLEVM
NIHIL SVBÆIMIVS.



EN
MORI-
TVRE; PY-
RAMIDEM
PONO. SCRI-
BE TV IPSE DI-
EM TVVM. QVIS
PLACEBIT? HAVD
DVBITO, NVLLVS.
AH! VNVS ERIT.

SOLIVM HONORIS.

EMBLEMA.

Vacua in Cœlo Sella inter SS. Carolum & Hen-
ricū Imp. GVILIELMVM expectat quem inter
manus S. Michaëlis abeuntem vota variorum pro-
sequuntur.

SEDBAT CVM PRINCIPIBVS,
ET SOLIVM GLORIAE TENEBAT.

L Reg. 2.

INGOLSTADIENSIVM Camœna GVILIELMVM, æternis Votis, & Vocibus, MECOENATEM canunt:

In media residens Citharam quoq; pulsat Apollo.

Atque hoc est, cur & Societas IESV tantisper à lachrymis sibi temperandum putet, dum, Musarum exemplo, communem omnium litteratorum PATRONVM, singularem suum, totidem Versiculis decantet.

VOTA SOCIETATIS IESV.

O mihi, si Phrygij contingant aurea Regis

VOTA, ut quæ cupiam, non neget illa DEVS.

Tunc ego non Virgam, non gemmea divitis optem

Munera, sive Indi munera, sive Tagi:

Sed potius COELVM. Quamvis DVX inclite cælum

illi frustra optem, qui tenet: opto TVIS.

TVIS inquam, at serò. Debent enim adhuc Patriæ, quantum tu persolvisti; CANOS venerabiles, NEPOTES Victores: quæ duo, non ab homine, sed à tempore, à DE O pendent. Cui proinde & VOTA facit Societas, & pro LEONE Boico facit: antiquum illud, Millies, tantis meritis provocata, ingeminans,

De nostris annis, tibi Iupiter augeat annos.

Deinde verò quid Palatini? & qui GVILIELMO à pedibus, à manibus, ab ore? an minus precantur? immo expostulant etiam; nisi quodammodo illi comitari, & officio suo facere satis concedatur.

VOTA

*Ergo fugis, Boia SOL illustrissimus Aula;
 Aetheriumque, bono Remige, pergis iter?
 Te sequimur, nostris, per Cæli carula VOTIS:*

*O quàm vellemus, corpore posse sequi?
 Vive Immortalis, scelerique ignosce supremo,
 (Culpa tua est) DOMINVM deserit Aula suum.*

Quod ipsum, quàm inviti peccent, declarant,
 hodièque mœsti vultus, taciti gemitus, pia desi-
 deria, pullæ togæ, tristes Næniæ, & sacer quidam
 totius Palatij horror, & squalor. Neque enim
 nos, Ô PRINCEPS, Dædali aut Mercurij sumus,
 te ut alati sequamur illuc, quò, sine alis, non per-
 venit; quas tibi cygnea illa Ætas tua suppedita-
 vit: Candor animi substrinxit; Aura cœlestis ani-
 mavit; Virtus huic Genti propria (quid enim no-
 minem, quam omnes norunt?) sublevavit. Adde,
 quòd nec sine Aligero comite abeas: illo inquam,
 cui Te, Tua, Tuos, iam olim, ingenti Munificen-
 tia sempiternòque Monumento, in Immortalita-
 tem consecravisti. Quin etiam Clementiæ, Æ-
 quitatis, Prudentiæ, versicolores Pennæ, Virtu-
 tùmque aliarum

*Innumera comitantur Aves, stipatq; volentem
 Alituum suspensa Cohors, exercitus ingens
 Obnubit variolatè convexa meatu.*

At Esuritorû interea, Deus bone, quæ lamenta?
 quæ Voces? quæ Vota?

VOTA PAUPERVM.

Vae nobis! abiit. vae nobis! Sidera prændit.

*Vae nobis! posthac quis GVILIELMVS erit?
Canatum satis est; satis est jam denique pransum:*

*Ite Cadri; non DVX sed PATER, heu! abiit!
O. Sers! ô fatum! Turba impia cogimur esse;*

Ploramus, Cælum quòd GVILIELMVS habet.
Ne quid nimis tamen, ô boni! Nihil secum auferunt mortui, præter Linteum; & siquid amplius Principes aut Reges, aliquot fortasse pondo Itanni: Respirare ergo vos iubeo: vivit adhuc, qui nō modò censum vobis vestrum non imminuat, sed & augeat: ita sperate, & cælo novum Incolam non invidete: ideo enim vobis dedit GVILIELMVS, ut reciperet. A vestro certè proventu, neque accepit quicquam, neque speravit. Quod si autem tantopere vobis in hoc mortalitatis pelago Fames, & nautici labores molesti sunt, date vela ocyus, & ad BONÆ SPEI PROMONTORIUM, cum Principe vestro, properate, qui triumphans exclamat:

**TORRENTEM PER-
TRANSIVIT ANIMA NOSTRA.**

Psalms. 23.

FAbulam somniantis Græciæ putaverunt
Antia

Antiqui, quam GVILIELMVS Boicus tanto pòst tempore Historiam fecit. Quinam hoc? ais. Delphino portatus Methymnæus Citharista, velificante plectro, littus subit: quâ usus aurâ, quo remigio Guilielmus? Accipe ex Tumba vocem: Favore divino, tanquam FAVONIO; Prece, tanquam PLECTRO. O docte Nauta! ô dulcis Musica! nunc ô nunc

Ars tua Tiphy iacet!

Feliciùs navigatur hoc Magistro; qui pro Clavo Corollam precatoriam, pro Remo Librum gestat. Meruit hæc aures Cithara; age, propera, Guielme, propera

AD LITTVS DENIQUE.

*Salvum Tenario quòd Ariona littore vidit,
Totum Adrastæa debet arena lyra.
Plus debent calidis GVILIELMI carbasa votis,
Dulciùsq; attento qua cecinere Polo.
Audijs iste pium, rapuitque intacta Lyristam;
Cui Mare Terra fuit, littus Olympus erit.*

Felix littus! securus portus! in quo naufragium facere nemo potest. Quid? quòd hîc menîæ Vitellianis lautiores subeuntem vectorem expectant? quòd fercula Sybariticis dulciora fatigatum reficiunt? quòd pocula non Chio, aut Lesbio, sed nectare, & Ambrosiâ præteriti laboris pulverem

VIRTUTIS ET HONORIS.
NON VLTRA.

62



AD
OSSA
VSQVE
LATRO-
CINANS
IN ME LIBI-
TINASÆVIIT.
IV, SI PLACET,
MITIOREM SPE-
RARE POTES,
NON EXPERIRI.

PROMONTORIUM BONÆ SPES

EMBLEMA.

Arion Delphino infidens Citharā seram sic permul-
mulcet; vt incolumis ad litus & Convivium ena-
viget.

EDUXIT ME DE LACVM MISE-

RIÆ. *Psal. 39.*

pulverem abstergunt (sat laboratum inter pro-
cellas; sat lufum inter feras; defiderium illud tuū
DEO propiūs fruendi, cœleftiq; menfæ accum-
bendi, explendum denique: propera, Guilielme,
propera

AD COENAM RECTA.

*Auritos inter lufor Delphinas Arion,
Iam dudum aquoreis efca relictâ feris;
Pertentat dociles arguto pollice chordas,
Mercedemq; fuâ, prandia, ab arte capit.
Prandia non poffum, GVILIELMO fpondeo cœnam;
Cœnant in Cœlo; Prandia Mundus habet.
Eheu! quàm noxia! quàm non ad prifcam maio-
rum parfimoniam!*

cum quadrâ vivitur vnâ!

Quàm non' adveterem Sabinorum ftomachū,
quibus ne prandij quidem nomenclatura fapuit?
Vt tanto fuaviūs nunc palatum Boi i PRINCI-
PIS, Magna illa Magni Regis COENA demul-
fura fit, quantò fæpius antea à prandiorum luxu
abftinuit, quantòq; nunc honeftiore loco inter
Temperantiæ coronatos proceres in cœlo' affedit;
*Nempe Deū cultu, & fâcro dignatus honore
Præcipuis, multòq; procul fplendentibus oſtro
Accipitur fublime toris; non vna Miniſtri
Turba gregis.*

Imò linteatus ipfe Convivij Modimperator
CHRI.

CHRISTVS lectuloseburneos ambit, dapem
infert; prô quam exquisitam! propera GVIL-
ELME, propera

AD COELVM SECURE.

*Cum Citharedo omnes jactamur Arione Ponto,
Quicumq; ex veteri plasmate massa sumus.
Non negat hoc PRINCEPS, capto jam littore latus,
Sed nocuisse undas, hoc tamen ille negat.*

*Adverso vehitur (quis non miretur?) Olympo;
Nonne alas habuit, qua RATIS ista potest?*
Nisi Naviculatorem ipsum alatû magis velimus:
quem RELIGIO in Deum, CARITAS in homi-
nes (quis nescit?) volucrem fecere. Tantum fuit
in PRINCIPE nostro utrumque decus, quan-
tum Orbis miratur, Cœlum compensabit. Irem,
per membra, nisi voto intercessum esset; sed eius-
modi sunt hæc vitæ ornamenta, ut mutis nobis,
seipsa radijs prodant: hæc Solis natura est. Sic tu
Religiosissime PRINCEPS, ut maximè velis, la-
tere non potes. Age; portum ingredi, BONÆ
SPEI PROMONTORIUM conscende, præmi-
um capesse, in Cœlum te penetra: necdum tamen
hîc fixa Tuę Virtuti ab Hercule est columna:
PLVS VLTRA: propera, Guilielme, propera.

AD DEVM VSQVE.

*Cantatum satis est; terram jam spectat Arion,
Iamque jubet chordas ipse tacere suas.*

Ite feri fluctus: alium jactate procella:

PRINCIPIS aetherium suppara litus habent.

Cū CHRISTO, in CHRISTO est: cur ergo Boica ploras?

GVILHELMVM si vis querere, quare DEVM.

Quid Agno contingat optatius, quàm ex spinis in hortum transferri? quid GVILIELMO, quàm ex Terra in Cœlum? Mors hoc illi beneficium præstitit: quam imperiti ad perniciem humani generis grassari arbitrantur. Falluntur, & fallunt: nunquam enim malè sensit de Morte, qui vixit bene; neque perdidit aliquid, omnia qui accepit. Erant, fateor, in GVILIELMO, vnde PRINCIPEM & Magnum PRINCIPEM non modò ageret; sed & ornaret: sed quid BoiARIA ad Cœlū? deliciae, fortunæ, beatitudes: mortalium, ad Paradisum Voluptatis (in quo cūm AGNVm Boicis Rhombis, atq; Aureo Vellere insignem merita sua haud dubiè collocârint, & ex Spineto, in Rosetum transfulerint, quid est cur plorent LEONES?

SOLATIVM LIBERORVM.

Heroum Sanguis, Boia spes proxima Gentis,

Sistite, quas vestris, Isara miscet, aquis.

Florida ad Elysios, Genitor Triclinia fontes,

Stravit, & à spinis jam nihil ille timet.

Cur ergo sorti vos inuideatis avita?

Antè LEO fuerat, nunc Pater AGNVs erit.

Verùm

VIRTUTIS ET HONORIS. 66
VENIMVS AD SVMMVM.



NOLI
MIRARI
STANTEM
SINE SEN-
SV VMBRÆ:
TV SINE SEN-
SV VIVIS, ET
AMVLAS:SEN-
TIES TAMEN,
CVM VENERO.

TRICLINIVM IMMORTALITATIS.

EMBLEMA.

Mors in porta geminum Horum dividente, Agnum
Boicis Rhombis insignem ex Spineto in Rosetum
transfert.

IN LOCO PASCVAE IBI ME COL-
LOCAVIT. Psal. 22.



Verùm uter sit, five LEO five AGNVS, in cœlo
 pasci, absurdum non erit. Nam & CHRISTVS,
 uterque fuit, & *Agnus sine macula, & Leo de Tribu*
Iuda: talem Convivatorem, talis decebat Convi-
 va; talem Agnum, talia Prata. Quid ergo Lessum
 muliebriter producis, & CONVIVIVM IM-
 MORTALITATIS planctu importuno fune-
 stas, ô PATRIA?

S O L A T I V M P A T R I A E.

Boica, quid salsis frustra te proliis undis,

O nimium in Dominum prodiga terra tuum?

Latius in Eois depascit cinnama campis,

Ambrosiâ dulcem provocat ille sitim,

Non redit in Boijs quamvis Dux maximus: illo

Iam DVCE, majorem se putat esse DVCEM.

Quanto putas maiorem? dicerem, dici si posset:
 sed nimirum suis circumscribitur finibus Boica;
 non Cœlum; Vita mortalium, non æternitas: il-
 lam terminavit, hanc cœpit G V I L I E L M V S:
 tantum abest ut aliquid deseruerit, qui ex Provin-
 ciâ instructissimâ, posito imperio, & fascibus di-
 scessit. Quare ô MONACHIVM, Vrbs Inclita,
 tametsi aureo nuper Septemviratus locupletata
 Pomo, noli cum Cœlo expostulare, aut simulta-
 tes gerere: periculosè æmulamur, aut reprehен-
 dimus, cuius gratiâ indigemus: noli PRINCIPi
 Tuo imperium maius abrogare: quod ut obtine-
 ret, iam olim Principem exuit, inter Competito-
 res

res adscribi voluit, Sparfiones fecit, suffragia Quiritium, coelestium inquam Indigenarum collegit. Habes, cur Felix dicare, etiam hoc in luctu:

S O L A T I V M V R B I S.

*Quare funereis Vrbs inclita parce querelis;
Aut partes Codris damagis, oro, Tuas.
Hi flere, hi possunt, quorum jam mensa fatiscit;
Et qui GVILHELMi diripuerunt penum.
His nemo melior, nemo hac est doctior arte:
Egregiè facient, quod didicere diu.*

Cæteris ne GVILIELMVS quidem concesserit, altiùs pro se ut ingemiscant. An verò nescitis, quæ mandata dederit Moriens? Effferri volebat, sine Præcone, humari sine Pompâ, putrescere sine Famâ, scribi non PRINCEPS, sed (ex Tabulis loquor) PECCATOR. O verè altum animum, qui tam profundè descendit! Et certè si cuiquam flere liberaliùs aliquanto concessum foret, Clero & Viris Religiosis, immo & Feminis foret: qui Religionis Lumen in GVILIELMO extinctû, Columnen Sacrorum labefactatum non vanâ fortasse querimoniâ lamentarentur: quibus ipsis tamen & hoc non licet & illud præcipitur, ne iniquiore animo PRINCIPIS sui mortem ferant, quàm ipse exceperit.

SOLA

SOLATIVM CLERI.

Quòddemum niveis PRINCEPS abit obitus annis,

Quòd servat Dominum Victima nulla suum:

Non est, cur altâ Pastores voce querantur,

Dulcia cùm posthac Pascua carpit O v 1 9.

Sape mori Pietas causâ est. Dum nuncupat, illi

Ex VOTIS fuerant, ultima VOTA, mori

Quî ultima? cùm fecerit ipso momento, quo natus homo est? præstitit factò, quæ promisit factò: verbis enim Natura permittit se regi. Soluit ergo GVILIELMVS libenter, quod nos debemus libentius, quàm soluimus; satur Vitæ, nondum Mortis; quando Mors illi Immortalitas, & Beatitude est. Quo fit, ut neminem sua causâ trîstari velit, cuius Serenissimus vultus exhilarare, non terrere consueßset; nisi qui Solem non ferrent. Hinc & ista SOLATIA non tam ex sua, quàm GVILIELMI mente Poëta dividit: ut sua causâ, neque Propinqui, neque Alieni, neque Cives, neque Exteri, neq; Summi, neq; Infimi, Deniq; Nemo flectat. Parto GVILIELMVS Olympo Hoc jubet, & fieri jussa suprema cupit.

Ite aliò lachrymæ; nolo hanc vos tangere Tumbam,

Nolo in GVILIELMI gaudia gutta cadat.

Si tantum est oculis unda, si flumina ripis

Tanta, in se dignos rapta ferantur agros.

*Immine à lachrymis Cælum sit; Terra sat amplam
Materiem vestris suppeditabit aquis.
Omnia confusolatè sunt turbida Mundo,
Fumant in tectoprælia; flete, licet.
Stant circum annosi, & divexant corpora morbi,
Atra vomunt pestes toxica; flete, licet.
Paupertina altos plebs verberat irrita postes,
Et jejuna gemunt viscera; flete, licet.
Frater it in Fratrem; coram Prætoze parentem,
Natus vult causam dicere; flete, licet.
Hic gessit sceptrum, quem nunc malè fulcit Arundo,
Exulat hic misero cum grege; flete, licet.
Atque ut eant homini pro voto cætera, restant
Intra hominem pluvij non minus apta suis.
Audaces animi motus, insana libido
Excitat, & cogit nubila; flete, licet.
Surgit & atrocem ter formidandus in hastam,
Pluto, instatq; alto verbere, flete licet.
Castra Voluptates Plutonia deinde sequuntur,
Tota hominem cingunt Tartara; flete, licet.
Hinc mentes crebro lacerata vulnere cedunt,
Heu pretiosa Orci pabula! flete, licet,
Nempe ingens flendi mortalibus argumentum
Ponimus; eximius dum GVILIELMVS erit.
Quicquid enim flendum, pro se jam fleverat ipse,
Antè sui fierent quàm cineres oculi.
Iam fruitur fletu, nitidus post nubila Phæbus,
Ipsi quando comâ splendidiorë micat.*

*Absolvit scenam; nec cur produceret ultra
 Vitam, habuit; nec cur flumina postat, habet.
 Quid poterat vel fors illi, vel Numina sorti
 Adijcere? Optatis gloria major erat.*

*Fama, Nepos, Senium, tria magnis debita votis,
 Regiam in hoc pariter sedem habuere D V C E.
 Accessit Virtus, Homini Fortuna quid addat?
 Si nihil illa potest, siste Viator aquas.*

*Claudite vos rivos Musa; stent flumina: posthac,
 Si quid GVILHELMO scribe, TRIVMPHVS erit.*

Q Via nimirum extra CORPVS, & C V L P A M
 est GVILIELMVS, utrumque mortalitatis
 seminarium. Enimverò extra Culpam non
 nunc demum positus est. Nota est enim, non in
 patria duntaxat, verùm etiam, quàm latè pater
 Orbis, quam vivendi rationem Religiosissimus
 P R I N C E P S, tenuerit: prima illi curarum, ab
 omni noxa esse immunem. Quod eius studium,
 adeò inimicam afflixit Stygem, ut omnem de
 GVILIELMO victoriam desperàrit. Quare, quam
 averfam turbam pictor in emblemate exhibuit,
 Oriciniana est legio, quæ pulsa fugam subit, ne
 iugum debeat; tergâque Victori dat, quia manus
 cogitur; nam videt hostem superiorem telis suis,
 quoniam astris sublimiorem, & quia non am-
 pliùs peccato obnoxium, ideo nec Morti. Di-
 xi, etiam extra CORPVS esse GVILIEL-
 MVM; & verò erit, quamdiu Mors erit;
 nec

VIRTUTIS ET HONORIS. 72
META MORTALITATIS.



QVID
LVGES
BOICA?
PRINCIPEM
AMISISSE,
NON EST AMIS-
SA GEMMA,
QVAE ARCA CLAV-
DITVR, ET COE-
LV MARCA EST,
ET FORTIVS CLAVSA.

MORS TRIVMPHATA.

MORS ILLI VLTRA
NON DOMINABITVR.

AD ROM. VI.

nec enim antè illud recipiet, quàm immortale
 sciat. Dedignatur illustri animi iugum tuum,
 o Parca; & velut carcere solutus, ridet catenas
 tuas, & vincula

ÆTERNVM LIBER.

Ea propter

Ite Catenati Steropis, Brontæq; Labores,

Et fugite elusas irrita vincla manus.

Frustra estis, tantam ceperunt sidera pradam;

Nec cadet in vestras amplius illa plagas.

Liber in Elysij GVILIELMVS *in ambulat agris:*

Vin' comes esse? tuum, Terra, sequare DVCEM.

Nec enim DVCEM amifisti O BOICA, sed præ-
 misisti. Superi! qualem DVCEM? quàm fidum?
 quàm industrium? qui Suos, quoad vixit, tam
 laudabilibus præivit exemplis. Sed & tunc, quã-
 do nuper morituriens abibat.

per iter tenebricosum,

illuc, unde negant redire quenquam:

Cùm iam iam sistendus esset rigido Tribunali,
 quasi fuimet oblitus, secuturos quàm sollicitè
 admonuit, quî sese ipsi parare ad viam tam peri-
 culosam deberent; nû, cum salutis dispendio, à
 recto tramite aberrare æternùm vellent. Philoso-
 phum extollit Antiquitas, quem Mors discen-
 tem Græcas litteras oppressit. Quò te efferemus,
 Fortunatissime Senex, qui, cùm tibi novissima
 horula instaret, non discis, sed doces, non Græcè
 loqui

loqui, sed Romanè mori? Sciebas tu id quidem, quàm probissimè iam antè; sed non satishabebas, nisi etiam alios doceres, severo sanè Magisterio, sed opportuno. Quod igitur tibi Minerualdamus, quod διδάσκειν, optime GVILIELME? Cœlum persoluet, quando Terræ opes iam dudū nausèas. *Nam qui docti fuerint, fulgebunt quasi splendor firmamenti, & qui ad iustitiam erudiunt multos, quasi Stella in perpetuas æternitates,* Certè Apelles iam splendidum sidus in tabulam finxit, quale te noverat esse in cœlo. Et licet infra fatalis rogos adhuc fumiget, non ille tamen Serenissimam lucem tuam obscurat, sed illustrat; in auri morem, quod purius lavacrum non habet, quàm luculentas flammæ.

Micet inter omnes

Boicum Sidus, velut inter ignes

Luna minores;;

neque est de cætero, quod tenebras metuat Boicus aër, tanto Phosphoro

ÆTERNVM CLARVS.

Qua superi! atherios nova fulget Stella per orbes,

Orta è funesto Stella corusca rogo?

Terga relucenti MORS dat fugitiva nitore,

Nec fert insolitam Noctis amica diem.

Hinc Stygias repetit tenebras; te, Boica, linquit:

Occidere hoc nunquam scit tibi posse iubar,

D 3

Neque

Nequē verò fugit solummodò feralis Larva, sed & indignata, accisas regni sui vires, de capite coronam detrahit, sceptrumque, verendum mortalibus, solo affligit; non contenta imperio, quo, dum Principes interficit, facit; Regesque seminat, dum metit; HENRICOS, Carolos, aliáque Gentis BOICÆ decora, quæ vel invita, ad sublimiora dignitatum fastigia extulit, quàm præcipitârat. Atque adeò etiam nunc ringitur invida, dum & GVILIELMVM super æthera regnantem suspicit; quem, suo pressum iugo, despexit. Atrumpatur illa; certè Ipse Cœli solium meruit, quia terrarum spontè posuit: Mortales scilicet hos honores arbitratus, uti & eorum aucupes; ideo immortalibus inhiavit; & nuper assecutus est, posteaquam è mortali factus,

ÆTERNVM PRINCEPS.

*Bis tibi bina, DVCEs, etiamnum pignora vivunt,
Augustusq; Gener, Rexq; VVILHELME Nepos.
Haudsamen ista movent tam grandia Nomina Mortem;
Vnum dum cernit Te super astra, fugit.
Nec modò vult sceptrum, nec vult gestare coronam:
Scilicet Imperium jam timet illa tuum.*

Quidni enim timeat, quæ novit, qualis adversum Morbos, Mortis anteambulones, hic Heros fuerit? quàm fortianimo, licet imbecillo corpore, eorum impetum sustinuerit? Obsederunt illi

GVILI-

GVILIELMVM aliquamdiu, sed ut eò integrior liberiorq; ad Superos evolare; Straverunt Victum, ut altius resurgeret. Palmam deniq; concesserunt, quia Sidera contulerunt. Quanquam, quid victum dico? cuius invicta Patientia vel eò fugavit hostes, quia æquanimiter toleravit; post hac

AETERNVM SECVRVS.

Postquam videlicet.

*Optatis tandem, GVILIELME, beatus in oris
Vivis, nec, tuto porro quod obsit, habes.*

*Ipsa fugam procul hinc MORS exarmata capeßit;
Et sequitur Dominam morbida turba suam.*

*Gaudet & æternum juvenem te cernere Cælum,
Quem jam desperat Terra videre Senem.*

Desperat, & ideo tantis inundatur lachrymis, tantis singultibus ingemiscit. Lunam se amisisse iam dudum queritur; nunc & Solem occidisse, ingeminat: quasi verò GVILIELMVS non idcò occubuerit, ut iterum oreretur; & RENATA non ideo denata sit, ut renasceretur. OBŌICA, discute mœroris nubem, redibunt tibi eò candidiores Soles, quò pluribus, à morte tot Serenissimorum tuorum Principum, est auctum cælum.

*Nondum, siccato lachrymarum fonte, pluentes
Lina serenârunt officiosa genas?*

D 4

Nondum

Nondum mæsta graves posuerunt pectora planctus;
 Non redijt lacera pristinus ordo comæ?
 At iubet hoc Fælix, quem luges BOICA, Princeps;
 Nec petit ille tuas, quo flagrat, ignis à quas.
 Cernis enim, superâ quæ Stella refulgeat orâ,
 Nec largum imminuant fumida busta jubar?
 Sic nitet atheria rutilans GVILIELMVS in aula,
 Et domino famulum despicit ore Solum:
 Vibrat & hinc atque hinc lucem; quâ longius ipsi
 Non spargunt radios Lunâq, Sôlq, suos.
 Ergo quid extinctum gemis insolata Parentem,
 Qui micat Elysio nobile sidus agro?
 Expliciti gaudet jucundus navita velis,
 Prona laboranti dum videt astra rati.
 Et tibi STELLA oritur, misera patrona carina;
 Porro tuum quid fies occubuisse DVCEM?
 Erras heu! erras, dum ploras funera; vivit,
 Nec vitæ fuerat certior antè suæ.
 Haud ita per filices soboles secunda minaces,
 Ludit inoffenso, matre regente, pede;
 Haud ita leta canit, spatiosolibera campo;
 Quæ caveam duri rupit acanthis Heri:
 Ceu tuus, ô fælix regio, super astra GVILHELMVS
 Vana triumphata spicula Persephones.
 Nec modò membra graves dominantur in agra dolores,
 Sera nec exsanguis contrahit hora genas.
 Armata nuper fatali forfice Parca
 lætabant vacuâ stamina rara colo.

Nunc,

*Nunc, quia perpetuae cernunt nova vellera vitae,
Ipsa secat proprias turba fugata comas.
Vidi ego, mortales GVILIELMVS vt exiit artus,
Morbida sub patriam monstra reversa stygem.
Fugerat ante omnes incurva senecta Megaras,
Turpis, & impexas horrida larva nives.
Nec bene par gradibus comitata senilibus ibat,
Ponè trahens lentos dira Podagra pedes:
Nam, quae Principibus vetus incola vixit in aulis,
Insolita fuerat non satis apta fuga.
Post hanc multa Febris, vicinus Febris Hydrops;
Et quam parturijt Thessalacista luem.
Vltima funestam clausit Libitina phalangem,
Impatiens Boio subdere colla iugo.
Sape retorquebat cecum caput; irrita saepe
Tela sub invisas, misit itura, plagas.
Vincula nonnunquam, modò desperata catenas,
Nil profecturis proijcit è manibus.
Quid referam, postquam proavis super aethera junctum
Regibus, emeritum viderat esse DVCEM?
Tunc pectus abreptam dedit indignata coronam,
Sceptraq; mortalem quèis domat illa gregem.
Tunc malè quæsta, dehinc nunquam ventura fremebat
Funera sub leges, tam pretiosa, suas:
Interea tutis victor GVILIELMVS ab astris
Ridet inaccessoregna superba throno.
Nec timet vlla sua nocitura pericula vitæ,
Securo Princeps liber in Imperio.*

Hac importuno ne turbet gaudia luctu,

Pone modum lachrymis, BOICA mæsta, tuis.

Invidia est pietas, qua letis rebus amici

Ingemit, & nimis ringitur agra bonis.

PRETIOSA IN CON- SPECTV DOMINI MORS SANCTORVM EIVS.

Psal. 115.

NEc enim vilis esse potuit, quæ GVILIEL-
MO tanti constitit; quando hæc una illi
Nundinatio placuit, *Bonam Mortem Emere*;
quâ meliorem mercem negavit habere Orbem
terrarum: Et accendit profectò illius pretium, &
rem contemptam vulgò, & in abstruso sitam, ve-
rè fecit PRETIOSAM. Hinc illa Ægrorum. E-
genorùmque, quos Deus Felicium Fatorum in-
stitutores fecit, comploratio, Mercimonium sibi
suum perijsse conquerentium, & liberalissimum
Emptorem. Nemo enim in Vitam tantum un-
quam sumptum fecit, non modò qui lautè, sed
nec qui prodigè quidem vixit, quem non GVILI-
ELMVS, in unius Momenti apparatu, quo mors
absoluitur, munificentia superârît, ut non dubi-
târît Poëta illi Hederam suspendere, & inviden-
dam Epigraphen.

CARO

VIRTUTIS ET HONORIS. 80
PERICVLOSISSIMVM FA-
STIGIVM.



IVRE
MORS
APEL-
LOR, QVI
A AMOR-
SV POMI O-
RIOR: ET,
QVOTQVOTVL
VVNTHOMINES,
MORDEO, FERALI VENATIONE.

GLORIOSA PARENTATIO.

BEATI MORTVI, QVI
IN DOMINO MORI-
VNTVR.

APOC. XIV.

MAVSOLEVM
CARO EMPTA.

*Quid prohibes, GVILIELME, tuas nos dicere laudes,
Atque vetas largas ferre sub astra manus?*

*Te vel muta suum clamanit Collegia Patrem,
Auctoremque vocant splendida tecta suum.*

*Ergò, nefas VITAM mihi cum sit prodere, certè
Empta tibi tanti Mors pretiosa fuit.*

Sed & pictura Mortis tuæ pretium indicavit:
nam Phoenix, edito super scopulo, accensis arom-
atibus immoriens, te, GVILIELME, refert in-
ter fragrantissimos virtutum odores expiran-
tem, quos non antè modò, sed & cum anima per
vniversum orbem diffundendos exhalasti. Abe-
ste proin funestè taxi, abeste ferales cupressi, qui-
bus olim vetus Roma conflagravit, pèiùs nunc
arsura. Clementiore rogo adastra volavit GVIL-
IELMVS, quia sanctioribus ardebat flammis.
Etenim quos Pietatis igniculos benigna natura,
& optimorum parentum institutio nascenti in-
severant, eos ipse, reliquà ætate, usque eò auxit,
dum se iam non ampliùs in angusto corpore
continere, sed ad sphæram eniterentur suam,
eo gratiori Superis holocausto, quo rariori; quia

PROPRIO INCENDIO,

*Ardebat Pietate animus, sanctusq; fovebat,
Frigida vicinâ pectora morte calor.*

*Hinc mihi visus etas moriens, DVX optime; qualis,
Cum Phoenix Arabes conflagrat inter opes.*

Discri-

*Discrimen tamen est hac inter funera : Phœnix
Vritur igne alio ; tu GVILIELME , tuo.*

Eodem scilicet , quo & reliqui bene factorum
fructus, quos, ceu foeta arbos, afferre Pietas con-
suevit, probè per tot æstates excocti sunt. Hinc
Malum quoque Punicam videas, cuius Poma
Mors legit, antequam cadant; quia iam matura
scissus cortex prodit, vulnere minùs lethifero.
GVILIELMVM nostrum Pictor adumbrare vo-
luit, quem Clotho rapuit Orbi, quia Cœlo vide-
rat maturum.

SENIO, ANNIS ET FRVCTI- BVS GRAVI.

Qualia maturis rumpuntur turgida granis,

Cocta Hyperiono, Punica mala, foco :

Talem Mors reperit, sæcunda fila senectæ

Quando DVC I secuit, Boica terra, tuo.

Qui quoniam cupidus tandem maturuit Astris,

Non illum RAPIVNT (desine flere.) LEGVNT.

Atque hoc quidem non iniuriâ : quando fruges
eò referuntur, unde incrementum acceperunt;
neque aliò abiit Principis Animus, quàm unde
exierat, ut rediret; æquâ cum Patria factâ divisio-
ne, cùm Cælum duntaxat fructus repetat, quos
dedit; præstantissimæ huius Mali Stirpe hîc reli-
ctâ; Superi boni! quàm fertili? ut quæ etiam, si
radica

radice sua, & Lectissima Mala fert, & feret. Quid?
quòd etiam Arboris huius Truncum terræ com-
mendavit liberalis DEVS, felicē & Stirpiū & Fru-
ctuum parentē: CORPVS, inquā, quod, cūm ad-
huc Beatitatis exfors sit, iacet interim sanè in quā

NOBILI TVMBA,

quia in cumulatissimo rectè gestorum aceruo;
Apum scilicet ingenium imitante GVILIELMO;
quæ, ut pretiosam mortem oppetant, in Electrum
sefe insinuant; Poëtâ epitaphium addente:

Mors, inquis, pretiosa fuit, cūm tumba fuere

Formica, Scythico succina stricta gelu.

Erras: illa parum Mors est pretiosa, sepulchri

Duntaxat pretio nobilitata sui.

Prastant his fatis tua, Princeps Maxime, Funus

Virtutum es Cumulo nobile, non Tumulo.

AEstum è pulvere, & è fumo ignē colligimus:
Atq; ideo, licet animi Principis penetralia
scrutari non licuerit, pronum tamen nobis
erat, è signis externis cognoscere, in Guilielmi pe-
ctore, ardentissimam divini amoris officinā exti-
tisse. Sive enim audiremus, rerum humanarum,
vanitatem aspernantem, sive suas ipsius misérias
conquerentem, sive deniq; inter crebra terræ fa-
stidia unum identidem cœlum anhelantem, faci-
lè intelligebamus, peregrinis eum flammis torrerì
oportere, qui toties, tām q; altū in summa fortu-
na ingemisceret. Intelligebamus hoc, &, quod
res erat, vel è vidui Columbi gemitibus augura-

VIRTUTIS ET HONORIS. 84
INITIVM IMMORTALI-
TATIS.



HEVS
TV! PRÆ-
TOR TE
VOCAT: SI
VOLES, DV-
CAM; SINOLES,
TRAHAM.

ETESIÆ PERENNES.

IUSTVS, CVM A MORTE PRAEOC-
CVPATVS FVERIT, IN REFRIGE-
RIO ERIT.

SAPIENT. IV.

bamur; sed importunè tã sancta interpellare suspiria non ausi, exspectavimus, dum Guilielmus eheu! tandem his ipsis favillis extingueretur, facto vel hoc memorabili, quia soli morienti tempestivo. Nunc sopita quidem sunt illa incendia, non deleta; imò ardet etiamnum Guilielmus, non minori igne, sed

MITIORE ÆSTV,

Vsscrunt rapida GVILIELMVMSape favilla,

Incolit exosam dum miser exul humum.

Non illas potuit frigus restringere flammæ,

Aura nec immodicos lenit vlla focos.

At nunc, CHRISTE, tuos melius mens sustinet æstus,

Ipse sibi Princeps factus ut VMBRA fuit.

Quemadmodum enim, ut penicillum demonstravit, marita Vitis Vlmus, eam inumbrat, iam mortuam; ita Poëta existimavit, GVILIELMI Sui Animam, post tam calida Vota, & Fata, sub Vmbra alarum CHRISTI refrigeratum iri. Neque verò sensitis perperã, nunquã minùs Poëta. Nam, licet arderet illa Sponsum suum, quàm cupidissimè; at temperatus tamen est amoris æstus, quia non admittebatur ad thalamum, nisi

PRONVBA MORTE.

Quamquam nec ista tanti amoris vinculũ soluit,
sed

sed arctiùs constrinxit. Audi ipsum GVILIEL-
MVM, novas sibi uuptias lætum occinentem.

Plmo cum socia quæ sunt connubia vite,

Hæc tecum Domino sunt mihi, CHRISTE, meo.

Infestus Nostrum neque Morbus soluit Amorem,

Nec minuit gelidi tristis hiems senij.

Ipsaque dum tentat nos Mors divellere, iungit;

Dúmque secat vitæ stamina Parca, facit.

Ac tam densa quidem, ut rumpatur citiùs Atro-
pos, quàm rumpat. Sciebat hoc Pictor; ideo per-
sonatum Principem Leonino schemate, inter co-
ronatas metas collocavit; ubi, post emensum,
mortalis vitæ curriculum Immortalis victor quie-
sceret. Quem quia implacata Mors & iaculo ad-
huc & cursu insequitur, neque tamen assequitur;
hoc nose ei super astra accubanti, lemma adscri-
simus.

TUTA QUIES.

Sæpe dabat supera spectacula grata cateruæ,

Creber Olympiaco victor hic in stadio.

Nunc illi Tutam concessit meta Quietem,

Meta coronatis rite cacuminibus.

Ergo quid insequeris frustra Mors invida? celi

Est extra iactum iam procul ille tui.

Sed quid Erinacius notabat, Leoni adversus? ean-
dem ipsam Quietem. Vt enim iste inter compor-
tatas fruges, etiam mortuus arcet canes, ita hostes
suos

suos GVILIELMVS; felicior in hoc Annibale,
 Spolia detrahēte, ut redderet, & obtinente victo-
 riam, ut perderet. Nunquam ampliùs Victori No-
 stro, inimica Mors palmam eripiet, etsi vitam tu-
 lerit; nunquam illum opibus, quas sibi compara-
 vit, perinde ac corpore exuet; ut iure Poëta ce-
 lebret gloriosum Heroëm à tam

P O T E N T I F A T O.

Hesperidum lectas inter, sua funera, fruges

In medio sepelit tutus Echinus agro.

Non audent illum rabidi lacerare Molossi,

Non tentare sagax naribus Aegla suis.

Nec te Cerberus aggreditur, GVILIELME, sepulchrum

Innumeras etiam quem videt inter opes.

AESTAS sequitur præcedentes Etesias; & qui-
 dem FRVGIFERA, vel te colono, mi GVIL-
 IELME: nec enim illæ spicæ, quæ maturæ
 iam, & suo pondere depressæ, natale solum qua-
 si nauscant, atque despiciunt, aliud docent, quàm
 copiosissimam meritorum tuorum segetem;
 quam quia terra non capit, ideo Cœlum amplius
 tibi horreum pandit. Atque hinc, quoniam mes-
 sis illa pridem

M A T V R V I T.

adeoque iam diu messorum postulat manus, pa-
 rum habuit audax Poëta, ad metendam hanc se-
 getem, auxilium Parcæ sollicitare.

Quid

VIRTUTIS ET HONORIS.
ARDVVM ITER.

88



CON
VIVIUM
IVMBRICIS,
BVFONIBVS.
QVE DEDI;
EISDEM TV
QVOQVE EPV-
LAS PARAS, ET
DABIS LACRY-
MANTE MVSICA.

ÆSTAS FRVGIFERA.

TEMPORE SVO METE-
MVS, NON DEFICIEN-
TES.

AD GALAT. VI.



*Quid dubitas, Lachesis, quid tempestitiva resistis,
Scindere decrepiti tenuia fila Senis?*

*Prona vocat, gravido demissis pondere culmis,
Ipsa secaturas messis adulta manus.*

*I; mete: lecta diu, seges optat in horrea mitti;
Matura est; glebam nauseat illa suam.*

Et verò ratio est, quòd putidam Terram fastidiat
tam pretiosa Messis; neque enim ea vel avenacea,
vel triticea est; cuiusmodi Triptoleum Ceres
edocuit; sed, (ad quam se tendere, veterum
Advocatorum quispiam aiebat; cùm, pro pretio
causas dicturus, forum adiret:)

MESSIS AVREA.

*Dixit, ad auratam, Stratocles, se tendere MESSIEM
Facturus dubio verba patrona foro.*

*Munificus nostro cedens GVILIELMVS ab orbe,
Messurus similes numquid abie segetes?*

*Verba dedit Stratocles tantum; GVILIELMVS &
Quid mirum, si quae severat, illa metat? (AVRVM.*

Gratus labor est, inquis, AVRVM METERE;
non item, SEMINARE; at utrumque GVILIELMO
perinde fuit; ideo meruit, priore & SABBATVM
finire, & SABBATVM inchoare,
sed PERPETVVM.

Hinc Poëta:

*Iuerit aetherias, quo tempore, noster adoras,
Si quæris, Princeps, HORA SECVNDA fuit.*

Si,

*Si, quâ luce, rogas; ea Magna sacra Parenti,
Septima cessantem finijt Hebdomadem.*

*Si, quæ tempestas? Cælum fuit undique SVDVM,
VDA tamen largis Terra madebat Aquis.*

Lachrymabatur nempe, nimis eheu! citò raptum sibi Ducem, quem pridem optatum, serò tandē se recepisse gaudebat Cælum. Atque adeò ferēniorem eâ die explicavit vultum, ut palàm omnibus faceret; Principis occasu, novam sibi lucem fuisse exortâ. Quid igitur Mortualis Larva Cornucopiæ iactat, hortiq; triumphat opibus, tanquam prædâ hosti ereptâ? Triumphet sanè, at non eo modo, quo, cùm Maiores nostros ferali Pomo afflixit. Non spolia sunt hæ fruges, sed spoliolum signa; non Tropæa amissæ à Duce Nostro Victoriæ, sed receptæ: ut vel hoc etiam GUILIELMVS, ipso sit,

ADAMO FELICIOR.

*Illicitusne iterum peperit fera funera Morsus,
Et nova Mala novi causa fuere Mali?
Ditia namque gravant victrices Cornua palmas,
Et Larva hortenses offesa iactat opes.
Non sic, O Princeps, non sic: Bona scilicet inter
Plurima fortune sunt quoque MALA tua.*

INTER

91 MAVSOLEVM
IN PVNCTO FINITVR
ITER,

BIBLIOTHECA NAZ.
ROMA
TOMO EMANUELE



QVIV LVGES
BOICA? PRIN-
CIPEM OBIISSE?
OBIIT, SED NON
ABIIT. INHAERET E-
NIM OMNIVM ADHV C
OCVLIS, ET VIDEBITVR.
QVAMDIV HI VIDEBVNT.

SVMMA VOTORVM.

DESIDERIVM HABENS
DISSOLVI, ET ESSE CVM
CHRISTO.

AD PHILIP. Cap. I.

ITER IMMORTALITATIS.

QUÀM id iure suo postulat VETERANVS
 MILES noster? quàm vel ipso Hoste non
 invito? qui ob id unum adversari tanto HE-
 ROI videbatur, ut sua vulnera posset, & huius
 Victorias numerare. At verò, quàm multiplex
 fuit, & copiosus? & unus ille Bonorum Lictor,
 fastidiosa absque DEO suo vivendi Mora, quam-
 diu pertinax obstitit, & invitum in Arnâ & Pul-
 vere lutulenti Orbis huius occupavit? RETIA-
 RIVM credidisses fuisse, ijs Laqueis armatum,
 quibus olim Magnus Asceta totum vidit Mundũ
 incingi; unde evadere, nisi modestissimè submis-
 so, nulli liceret. Et quia ille imperare MORTI,
 ut manumitteretur, velut rebus ceteris, non po-
 terat, ad Vota confugit, & intimos affectus, tot-
 que Tela misit, quot suspiria: donec ipsum deni-
 que Agonothetam evicit, ut excedere Fesso lice-
 ret, nusquam, nisi in Patria, quieturo. Ostenta-
 re vulnera necesse non fuit: Neque verò poterat
 Gloriosus Princeps, cui plus Nivis asperferat, &
 amabilis Candoris, Longæva Militia, quàm Ru-
 boris cruenti, quem multi inhonestum sæpe,
 Missionis titulum habent. Ipse diuturnus
 Amor, & assidua Cœli suspiria impetrare suo iure
 debebant, quod Tyrones quandoque, & nul-
 lis dum Victorijs noti, à liberali tamen
 Mune-

Munerario Deo consequuntur. Id posteaquam demum obtinuit, eheu ! quod alijs omnibus doluit, hoc uni, qui accepit, gratissimum Vulnus fuit, quod ultimum mors fecit: Solus enim sciebat; quàm mortiferum non esset, quod ne sanguinem quidem mitteret, liberalissimè pro his Aris, & Focis impendendum: Sciebat, inquam, Militè non desinere Generosum esse, quamvis more veteri, Arma poneret, & Votiva Templis Anathemata suspenderet; quod Pictoris Emblema delineavit, additâ Epigraphe, quâ salutandum à Numine Principem credidit ad Metam accedentem, cui, post tot fortissimas Pugnas, DIGNVS RVDE videri meritò debuit. Quanquam non omnia, quibus nos Vivus defendit, cum Arma seposuisse Poëta existimârit;

*Exuvias Martis, Galeamque Hastamq; Sparumq;
Scutâq; laudati tela ministra sagi;
Miles Gradivi defigit ad ostia Patris,
Cui partâ satis est denique laude frui.*

*At sua GVILHELMVS dum Cælo consecrat Arma:
Vult CLYPEVM PATRIÆ nos retinere sua.*

Electorem videlicet Filium, Magnum non Patriæ modò, sed & orbis Propugnaculum: quem abiturus Posteris reliquit Sui Imaginem, ut modestius Archetypi absentiam ferremus: & Maximi Ducis Fortissimum legatum hostes trepidarent.

Habe-

Habemus sanè partem Hæreditatis, quam à Tanto Parente accepimus, longè præstantissimam; novum in Filio Patrem: Luculentum est Patrimonium, quod ex Asse possunt tot Orbis Partes capere; quique in hoc rerum Humanarum Labyrintho, suo pte ingenio fallaci, cæcoq; , nunc autem, ambitiosis conatibus longè intricatissimo, Filum reperit novus Theseus, quo se, suosq; , felicissimo ingenio , ex tam periculosis ambagibus educret. Quas cùm videret identidem GVILIELMVS, & ingemisceret; neque Modestia tamen evolare sineret, securissimis licet Virtutum pennis alatum; & Candidum Pectus fraudes, dolosque respueret, expugnavit Marte tandem, & Auro, belli Neruo, evicit inaccessam Cœli Arcem; quod ille non onustis Asinis impositum per viarum angustias præmisit, sed in senile plerumq; & languidam ætatem, quam erogatæ stipis pondera sæpius, quàm gravis ætas, inflexêre, exoneravit: ex eorum ordine cùm alij subinde, aliique, longè faciliiori artificio, ex hoc Orbis carcere eniterentur; didicit tandem, à Prodromis suis, & ipse viam; secutusque est, felici pede, opes suas, cum opimis spolijs, recipiendas: Iamque in illo Securitatis domicilio itineris pericula despiciens Triumphali voce

E V A S I.

clamat, & vestros errores, verè Aureo consilio,
E supe-

superavi. Quamquam non ad eum modum, quo Fabularum materia Theseus, ad cuius exemplum deceptus pictor mea suspiria, & ingenium adumbravit: Nam

*E Labyrinthæis Aegides provolat Hortis,
Cecaque Gnosiæis deserit antra dolis;
Annexi retinet dum fraude volumina lini,
Et duce perplexos Glomere vitat agros.
At mihi nû Lachesis rupisset Fila, manerem
In Labyrinthæis Flebilis Erro plagis.*

Hæ nimirum erant catenæ dissecandæ, à quibus omnes Mortalium nugas sciebat pendere, quæq; in glomum, præ Gordio nodo, implicatæ, expediti meliùs non poterant, quàm uno illius Orbis domitoris, non Alexandri, sed Mortis telo. At verò, cū diutiùs tã optabile vulnus differretur, credidit cupidissimus Princeps, nō jã, amplius inter Horti illecebras, è quibus interdum evadere, non posse etiam volupe est; sed velut totius spei Anchorâ convulsâ, & Lembo naufragante, inter Oceani turbines circumferri. Eius opinionis argumentum dedere vberriamæ lacrymæ, quæ crebrò nimborum instar fluxêre: ex quibus ille, tanquam ex amarâ Freti undâ, quoties oculos ad Cynosuram suam, & amata Cœli sidera convertit? quoties viso littore, & illo Quietis Portu indoluit, vix se illuc, eiectionis dudum, etiam cum Imperio, opibus,

opibus, posse adnatare? Quos naufragilabores
 Pictor haud alieno schemate expressit; cùm eum
 iam periculi securum depinxit; id quia Poëta cen-
 suit ex aliorum arte, consilióque, qui id genus
 discriminis aliàs subijsent, factũ esse, ita cecinit.

I N P O R T V N A V I G O.

*Naufrage funestas inter jactate procellas,
 Quàm madidis spectas littora luminibus?
 Remigibus possis illuc ut pergere palmis,
 Obvia de fractâ sumis asyla rate.
 Quid GVILIELME, facis, paribus depressus in undis?
 Sandapila TABVLAS Ingeniose rapis.*

Nam hæ vnæ denique ex omni divitiarum appa-
 ratu supererant; tanto chariores, quanto te voti
 propinquiùs damnârunt: quas ad hanc ipsam Ex-
 peditionem cùm multò ante, quàm necesse fuit,
 comparâsses, iussisti interea tuarum rerum omni-
 um Moderatrices esse: ad eas Tabulas referebas
 tam quæ ACCEPERAS animo forti, quàm quæ
 liberali EXPENDERAS; sat gnarus, in Sandapilæ
 arcâ non tam Cineres tuos, quàm Rectè Facta,
 sine Invidia, quietura. Denique factum est satis
 animo tuo, postquam & sacri Belli labores forti-
 ter, & Errores Orbis cordatè, & Vitæ procellas
 patienter sustinuisti, ac

TANDEM ALIQVANDO.

Carcere ab emeriti discessit corporis Hospes,

Libera quesitas Mens aditura Domos.

Hæc licet assiduifuerint suspiria Voti;

Non tamen à luteâ fas fuit ire casâ.

Sed postquam invasit Lachesis tua tectâ, frequentes

Lumbrici capto mille dedere vias.

Hoc enim Pictor voluerat expressum, cùm ex Sceleti crate alatum cor pinxit ad Patrias sedes expeditum. Atque hos Tumuli incolas, foedissimum Aulicorum genus, amasti tamen: quia carceris tui Ianitores scivisti, nunquam clausuros deinceps fores, quas semel patefecissent: habesq; illis hanc iam gratiam, ut Principe Convivio excipias, & invidendâ quadrâ, quòd ergastulo diffracto simul cupitæ Aulæ ostium recluserint

SATELLITIVM PIETATIS.

NUNC quos Comites habueris, & Stipatores felicissimi itineris, etsi difficile est memoratu, fas tamen erit existimare, non minori Tecum Pompa Cœlum ingressum, quàm veteres olim Pompeios, ac Cæsares, Victricem Romam; quando Tu unus Victorijs es clarior, quàm ij simul Omnes. Spectavit autem in illo orbis Theatro militaris Fastus

Crebra

*Crebra Triumphales quondam post praelia Currus,
Captivosque inter mille Trophæa viros.*

*At te quis Superū maneat GVILIELME Triumphus,
Nostra nihil certi dicere Terra potest.*

Particulam Magna viderunt tempora Pompa:

Pulchra Codris quondam credita P A L M A fuit.

Quam tu solebas etiam in acie habere, sed in auro-
tam, & omnibus apertam; ad quam, velut ad
Signa sua concurrerunt Cohortes VIRTVTVM:
Illæ tuis Imperijs assuetæ, quidni etiam nū sequan-
tur Triumphantem, cum Pugnantem cingerent
æterno comitatu? Sine quibus cum nolles vivere,
non potes iam tam infidæ amicitia opinari, ut
deserturas te credas esse, ad agnatas sibi Sedes
euntē quo cum in Exilio diversari gloriosum cer-
suerunt. Habent hoc amica illa agmina, ut nec
Virtutes sint, nisi sint Constantes, & vel expul-
sedant invitæ. Potes hoc ab illis, si renuant, ma-
gnis argumentis poscere, ut, quibus Animi tui
pulcherrimum Hospitium tam diu concessisti,
eædem iam sui Palatij Inquilinū admittant, quod
primo cum illis fædere pepigisti. Sed quid in du-
bio esse potest, tanquam divortium aliquando
futurū sit, inter tam coniunctas voluntates; cum
in Gemmis etiam concordia sit perpetuo nexu li-
gata, & suam P A N T A R B A M sequantur
aduolantes undique Vniones, si quando in-

IN MINIMO MAXIMVM.



NE
FORTE
TE FALLAT
HORATVA;
OMNES OB-
SERVA. NVL-
LA FIDENTI FI-
DA EST.

COMITATVS VIRTVTVM.

OPERA EORVM SE-
QVNTVR ILLOS.

APOC. XIV.

gemmiferas undas iūssa, mirabilis Hamus pendet, nec reduci potest, nisi

HIS COMITIBVS.

Extrahit annexas Prædatrix Gemmula baccas,

Piscaturque vago lucida saxa lacu.

Ingenio simili, falsis GVILIELMVS ab undis,

Et fastidito profugit Oceano.

Quicquid enim Vitreus Virtutis jactitat Orbis,

Iam sequitur Dominum Posthuma Turba suum.

Imò præit, & officioso studio, quaquâ eundum est, vitam aperit, & Cœli Fores: nam Pedissequas habet alias GVILIELMVS noster. Qui licet parcissimus cetera fuerit Satellitij, hîc tamen Exercitus secū trahit OPERVM BONORVM, verè militē Prætorianum; cui soli fas sit, ex omni numero famulitij, Regium illud Penetrale cum suo Principe subire. Hæ Fruges sunt, & optimi illius Autumni Partus, quos Serenissimi Pectoris calores, velut Æstas aliqua coxerunt: quosque flores candidi iam diu antè prælagiebant, cū tota GVILIELMI vita vernaret. Pòst verò, quàm cœpit etiam Laudatissimus ille Vértex incane cere, non contentus Pomonam sibi habere obnoxiam, quæ Cœli Apothecis frugifera esset, etiam in Nati Hortis animadvertit POMÀ crescere, quæ candidi Senij prælagio digna iure miramur; Id quod conatus est adumbrare Pictor, cū florentem arborem pinxit, & Poëta calamo expressit, additâ epigraphæ

*Arboreos fœtus, Decumanipondera Mali,
Quàm de fœcundo stipite fundat ager:
Lucet in Alcinoi prius inclita gemmula ramo,
Præmittitq; nives nuncia Flora suas.*

*Cum cano GUILHELME diu nos Flore beares,
Tandem POMA tuus qualia Natrus habet;*

Verè Aurea, & Orbi, quem referunt, nuper visa,
& utinam non invisa. Quæ Tu tamen ita æstimas,
ut præ tuis nolis tibi ad Secundam illam Mensam,
quâ iam satur æternùm frueris, inferri. Suaviores
sunt tui Fructus, nullâ CVRA corticati, nisi quam
vividus habuisti, ut magno proventu crescerent.
Et creverunt sanè tanto numero, ut tu, cùm iden-
tidem indè lautissimè victites, nunquam possis,
quàm diu Cœlum erit, absolvere. Hos ergo Pala-
tinæ indolis comites, tuo itineri assignatos, non
secus habes peregrinos, quàm suum Phoebus lumen,
cùm nostras Terras obambulat; hoc uno diversi,
quòd, ut Pictor cum Poëta monuit, sis

SINE VESPERO.

Occiduo cùm manè redux de littore Phœbus

Occupat atratos luce serenus agros.

Interea fuscis obnubilat omnia velis


Nox, Hyperioniâ quæ carvère face.

Sentimus GUILIELME alijs te Finibus ortum;

Nostra dies etiam plurima Noctis habet.

*Ita iam quantumvis sereno die, nigricant tuâ causâ omnia, & mœsta silent; quia can-
didissimum Solem amiserunt.*

TRISTE ACVMEN.



MAVSOLEVM
CVM TEMPORE.

*Arboreos fœtus, Decumani pondera Mali,
Quàm de fœcundo stipite fundat ager:
Lucet in Alcinoi prius inclita gemmula ramo,
Præmittitq; nives nuncia Flora suas.*

*Cum cano GVILHELME diu nos Flore beares,
Tandem POMATuus qualia Natus habet;*

Verè Aurea, & Orbi, quem referunt, nupervisa,
& utinam non invisa. Quæ Tu tamen ita æstimas,
ut præ tuis nolis tibi ad Secundam illam Mensam,
quâ iam satur æternùm frueris, inferri. Suaviores
sunt tui Fructus, nullâ CVRA corticati, nisi quam
vividus habuisti, ut magno proventu crescerent.
Et creverunt sanè tanto numero, ut tu, cùm iden-
tidem indè lautissimè victites, nunquam possis,
quàm diu Cœlum erit, absolvere. Hos ergo Pala-
tinæ indolis comites, tuo itineri assignatos, non
secus habes peregrinos, quàm suum Phoebus lumen,
cùm nostras Terras obambulat; hoc uno diversi,
quòd, ut Pictor cum Poëta monuit, sis

SINE VESPERO.

Occiduo cùm manè redux de littore Phœbus

Occupat atratos luce serenus agros.

Interea fuscis obnubilat omnia velis

Nox, Hyperioniâ quæ carvère face.

Sentimus GVILIFLME alijs te Finibus ortum;

Nostra dies etiam plurima Noctis habet.

Iam iam quantumvis sereno die, nigricant tuâ causâ omnia, & mœsta silent; quia can-
didissimum Solem amiserunt.

TRISTE

TRISTE ACVMEN.



HEVS TV
QVISQVIS
ES, INCOGI-
TANS CINIS!
ÆNIGMA HOC
SOLVE: SIME TI-
MERES, MINVS
TIMERES.

SECURA CVSTODIA.

IUSTORVM ANIMÆ IN MA-
NU DEI SVNT.

SAPIENT. III.

REGIA TRANQVILLI-
TATIS.

SED abdidit Te nimirum inusitatâ Eclipsi DEI
MANVS. Vbi enim vero mirabile fuit, potu-
isse in clarissima luce *Dexteræ Excelsi* tantum
Orbis splendorem abscondi : & nisi nos Bonus
Genius tuus docuisset, rei miraculo obrueremur.
Posteaquam autē vidimus de Nomine tuo litte-
ram, quam annulo expressam prominenti è Cœ-
lo manui ille tuus Achates, ex ingenio Pictoris,
inseruit, non potuimus deinceps mirari, si magnis
auri radijs minor particula Nominis tui non nihil
tegeretur. Illud satis fuit, locum in hac manu ha-
bere, quam nullæ Regum Curules æquant ; cui
iam addictus sis, ut Poëta vult,

ÆTERNA SPONSIONE,

*Induit arrectam Genij quæ Gemmula dextram,
Quæ sedet Dominis annulus in digitis,
Vnica defuncto de Principe littera toto est,
Pars de Gemmato, sed pretiosa Viro.*

*Non ego nunc quero, digitum quem vestiat Aurum ;
Articulus dextra hic omnis AMORIS erit.*

Quia totus Amor Deus; Nidulum habes profectò
optabilem, GVILIELME, ruinæ deinceps se-
curus & iniuriæ. Nemo te laceßere volet ; nisi
qui longiores manus Regibus putat, quàm Deo.

Ipsa

Ipsa Mors ius suum transcribit ; quia te in hanc
 Palmam ex Apellis iussu depingit, ex quâ MANV-
 MITTI nunquam postulabis. Tu verò perge sanè,
 inscite Pictor, licet cetera omnia deformes, hunc
 tamen Principem suis coloribus, quia tuis non
 potes, describere : aut si quem de tuis miscere vis,
 candido utere, ad imaginem nullo atramento fæ-
 dandam. Perge, inquam, etsi quam tu exaras

NON EST RASA TABULA.

Parrhasijs depinge notis nove Nomina Apelles,

Pinge, tuo quamvis digna colore negem.

De Tabula nemo jubeat deponere dextram;

Nulla abolere tuum spongia debet opus.

Nam licet in nullo ditissima dextra sit ære,

Hoc unū NOMEN CONTRAHET illa tamen.

Et arctissimè complectetur, ut quod solum in DI-
 GITOS MITTENDVM existimat. Vide
 præin', quàm pretiosum sit hoc Nomen, cui con-
 servando tota Manus impenditur, cùm Orbis
 Machinæ tres digiti sufficiant. Difficilius sanè erit
 tam nobile Pignus huic Palmæ extorquere, quàm
 suam Herculi Clavam, quem addidit huic Em-
 blemati Pictor, manu Pomum tenentem; Epigra-
 phen Poëta

NVS QVAM TVTIORE

Herculeâ seu Clava manu, seu Poma morentur,

Clava suo tuta est, Pomaque tuta loco.

*Te GVILIELME manus quia fortior Hercule servat,
Iam potes in nullo tutior esse loco.*

CERBERVS ipse tuam nolit vexare quietem:

Nam minimus NOSTRI est HERCVLIS ille labor.

Et quanquam in tam Cœlesti Culcitra sedere per se sitiucundissimum: tamen quia delicias illas, inexpertis, non eo, quo par est desiderio appetimus, admonendi sæpe sumus, sæpe etiam trahendi. Quam vim divinæ dexteræ inesse sensisti GVILIELME, cùm intimis stimulis, ut illuc properares, movêrere; & quia quidquid Magneti agnatum est, arcanis vinculis ad eam Gemmam trahitur, ita cùm tu Divinæ Menti per quàm esses voluntate coniunctus, facile fuit illuc attrahi, quò nemo est, qui non, si sapiat, accurrat

SPONTE SUA MELIVS.

Quod in Magnete Pictura docuit, & in hunc sensum Poëta.

Ad Gemmam veniunt attracta Metalla potentem,

Agnatòque volunt spontè sedere loco.

Ah! quoties hac vota tui sunt credita sensus,

Tu quoque cùm cuperes, ô GVILIELME trahis.

At quia nulla Senem Terra te Gemmula movit,

Nulla fuit toto Gemma cupita solo.

Sed illa, quæ Pectoris tui intimos sensus allicere, etiam alia cogitantis potuit. Ergo in illis iam suavitatibus confides, velut in manu Annulus, & in
Annulo

Annulo Gemma; quod tibi non minùs illic est voluptati, quàm apud nos æternæ gloriæ.

PRAEMIUM AETERNITATIS.

HAbent hoc Maiora in Cœlo Sidera, ut in sublimi orbita discurrant quidem, & magnis itineribus vagentur; nobis tamen quietæ esse, & propè fixa incumbere videantur. Occupasti Tu quidem Serenissimæ Boiariæ Sol, inter agnata tibi Sidera gloriosissimam Orchestram tuam, sed nō cessasti perinde etiam nobiscum versari, quos ardentius iam inter Cœli Faces amas, quàm cùm nostra frigora experireris. Quæ illic iam tua sit Gloria, quis Æternitatis Triumphus, nobis neq; consilium est dicere, nec verò etiam notitia; unum scimus, quòd *Nimis honorificati sint Amici tui Deus*, & supra humanas Panegyres: Quo verò loco apud nos, post Exuvias mortalitatis positas, quo Honore, seu, quod inavis, Amore habere, ex tot faculis Mausolei tui intelliges, quas tibi omnes Pectoris nostri ardores accendere, plures addituri, nisi vel ob has etiam tuos risus vereremur, quas Soli accensas tecum ultro fatemur. Ipse Lessus, quem damus, quia tam siccus est, magna incendia testatur; aut, si quæ fluit Lachrima, Lætitia est, quæ suos etiam Fontes habet, Gloriæ tuæ

tuæ certissima Tesseræ. Persimilis illa est Odealteri, quam

Ad vada Maandri concinit albus Olor,
quem telo transfixum nostri Luctus Symbolum
apposuimus, cuius est

LESSVS SINE LACHRIMIS.

Vltima Amycleam simul occupat hora Volucrum,

Iamque diu canæ Parca minatur Avi:

Ipsa sibi cantat moritura Prefica lessum,

Et meditata pio carmine leta præit.

At Tua si totus cantabit Funera Mundus,

Nil mirum, vitæ est tam NOTA Pulchra tuæ.

Quam Orbis tum solam usurpet, cum vult tibi Epinici-
um canere. Vivis, ne dubita, vivis etiam-
num apud nos, & spiras, sed mera Balsama Tua-
rum Virtutum, &

PERPETVVM VER.

Florida quod Tusci redolent Violaria Pæsti,

Quodque Semiramio, quæ volat Aura jugo.

Hoc tua regnatis jam spirat Vita Colonis,

Hoc Tua, quæ vitæ par fuit urna, fragrat.

Indica nil opus est ut inungant Balsama Corpus,

Vel grati in Tumulo jam sæ Odoris habes.

Ille usque eò nos suaviter afflat, ut, si mihi fas fo-
ret, usurparem ego quoque in Amoris nostri
Canticis, *Oleum effusum Nomen Tuum* : Sed
tu mavis solemne tuum tenere, & audire,

Tan-



QVI
CVTICV-
LAM, QVI
AQUALI-
CVLVM CV-
RAS, PRO VER-
MIBVS CVRAS,
TVI OBLITVS.

UTRINQUE IMMORTALIS.

GLORIA HÆC EST
OMNIBVS SANCTIS
EIVS.

PSAL. C. XLIX.

Tanquam Aqua effusus sum, Quod tuæ Virtuti da-
mus & Modestix; ita tamen, ut Aquulam illam,
Cinnama sudaverint, & Rosæ fuderint, & Lilia
Violæque lachrimârint: aut si Fontanam intelli-
gis, Illam accipiemus, quam ex Torrente Voluptatis
hausisti: ubi credimus profectò DIFFLVERE te,
iam suavitatibus, & nobilissima Sparsione totum
Pectus inundare. Nobis tamē quia illos Cœli Ro-
res nondum est concessum libare, nostris te iam
conferimus Odoribus, imò efferimus; quia quid-
quid Arabes nôrunt fragrantix, à tuis Virtutibus
superatur. Sunt sanè etiam nostrarum Arborum
raræ &

P R A E T I O S A E L A C H R Y M A E.

Quando

Larga Palaestina sudant Opobalsama silva,
Stagnat odorato terra Sabæa lacu;
Casa simul modico discedit vulnere planta,
Et brevis exiguis arbor hiat maculis.

Nos quoque Virtutes, postquam te Parca cecidit,
SVDATAS Vitæ novimus esse tuæ.

Ita laboriosè Tu eas identidem coluisti: Neque
 tam constanter suum fert Atlas Cœlum, quàm tu
 hæc Cœli Pignora. Et ultimus etiam, quem in
 Extrema linea fudisti, sudor Virtutis fuit, omniū
 miseriarum lavacrum, & à sola Dei dextra deter-
 gendus. Nunc tu Cordatissime Princeps, Impera,
 Veta,

VIRTUTIS ET HONORIS. 110

Veta, Iube, Nega, quidquam de tuis Rectè Factis
aut Scribi, aut dici: digitum quidem potes nostris
labris imponere, & Sigaliones reddere; ut autem
ne respiremus quidem, & de suavissima Aura
Virtutum tuarum spiritum trahamus, id verò nō
potest Miseris clementissima Mens tua negare,
quibus non tantum Aëris huius usum, sed vel A-
nimæ tuæ concessisses. Et vide, quàm parcere tuo
Imperio potuisses, si eius tibi in menrem venisset,

Nitimur in vetitum seu sper;

Nunc ipsa hac voluntate tuâ primùm porrexisti
nobis Tubas Laudum tuarum, dedisti calamos in
manus: iacent Chartæ, Tabulæ, Libri, Stili gesti-
entes de tuis rebus agere, eò avidiùs, quò obsti-
tisti magis, discessurus à negligentibus Imperium
tuum. Audies encomia tua post multa sæcula

O R B E N V N T I O.

Proinde

I vaga per geminum G V I L I E L M I Littera Mundum,

I, vel Pegaseis, ut nihil obstet, equis;

Principe lassetur defessa volumine dextra,

Scripta nec in tergo littera claudat opus.

Materies Princeps oculis est omnibus vnus,

Et maior, quàm quem per brevis Vrba L E G A T.


Hic

HIC RHODVS HIC SALTVS.



QVID LV-
GES BOICA?
EHEV! IAM
NOSTL MINVO
TAMEN DOLO-
REM, NON QVOD
COGITEM, NECES-
E FVIT; HOMO
FVIT; SENEX FVIT;
SED, QVIA TALEM SVC-
CESSOREM HABET.

IMMORTALITATI S.



OPORTET MORTALE HOC INDVERE
IMMORTALITATEM. 1. Cor. 15.

Etiam lutea Pyramis, in Ægypto, inter marmoreas stetit; hoc ipso caput ambitiosius efferens, quòd crevisset ex Limo, eòq; non temerè comportato, sed qui conto, in uliginosi lacus fundum immerso, retractòq; velut invitis Aquis adhæserat; quò confidentius etiam hæc Tibi Pyramis assurgit, GVILIELME Princeps, etsi paribus utrinque fatis, eandem originem profiteatur: sed nimirum tibi imputat, quòd lutea est, & planè terræ filia, gemmea futura, si illi licuisset ex Virtutibus tuis crescere. Nunc rudescalami convehere Limum iussi sunt, quem in Limpidissimis tuis Fontibus, & ægrè reperire fuit, & fere lacrymæ absterferunt, quæ te maximè properantem subsidere in pulverem Mortalitatis, optantemq;, ut tui præter Cineris, aut Luti pugillum, nihil superesset, non patiuntur pervenire ad summam votorum: Fœcundissimus est imber lacrymarum; neque unquam vivacior est Amor, quàm cum plorat, & partem animæ, ex oculis, in sua desideria transfundit. Nescio, cuius Senecionis dictum fuit, duplici irrigatione ad id ætatis se pervenisse; Oleo Foris, Mulso Intus complutum, non potuisse exarescere. Tu Annos tuos Pauperum lacrymis imputasti; quibus factum est, ut Cælum ambire non posses,

posses, nisi candidatus, & capite tam niveo, quàm fuisti pectore. Illis tamen Aquarijs tuis, & Imbricatoribus senex nondum visus es; cùm omnes tuo succo viverent, & hoc ipsum, quod flebant, ex tuis stipendijs flueret; ut proinde illis lacrymas siccare, & fontes obstruere, esset animam intrahere, cùm tamen illi te fecissent immortalem, veteris oraculi Fide, *Eusemosyna à Morte liberat.* cuius si Telum in te nihil potuit, ô Magne Princeps, vix erit in ipsis MORTALITATIS TVÆ EXUVIIS terrenaliquid pulveris, & luti, Pyramidi struendæ. Certè Pictor, iuvenescens, in Medææ labro, Æsonis Imagine basim animavit; Poëta verò ex fabula Historiam fecit, pretiosâ Epigraphe subiecta.

THERMÆ IMMORTALITATIS.

*Æsonis excoctum senium, reducẽmque Inventam,
Herbis affingit Fabula, Colchi, tuis.*

*Ars tibi perpetua, GVILIELME, reperta iuvẽta est:
Codrorum è lachrymis balnea nata subis.*

*Quòdque aliàs rident Medici; tu pharmaca Vita
Propinas alijs; te Medicina juvat.*

Et si enim salutare corpori Aquæ sunt, quæ per Auri venas fluxêre, vel abluêre Argentum: nullarum tamen certior est Medicina, quàm quas Liberalitatis Aurum provocavit, & cœlesti vi imbuit; quas si Mortales, ex merito suo, agnoscerent,

rent, nec Baiæ pretium haberent, præ his acidulis, & multò carius pauperum oculi conducerentur, ad fundendas vitales has nō guttas, sed Gemmas, quibus tibi tam Largiter affusis non modò *renovata Iuventus est*, GVILIELME, sed *data etiam penna, sicut Aquilæ*; Nam & illa cū gravatur senio, & pigrarum mole Alarum, Thermas suas habet, ex quibus subuolat ad Solem, & cum illius ignibus Iuventam imbibit, senectute, cū alarum defluvio, abstersâ, utilissimâ iacturâ. Proinde neque hoc Pictor neglexit pingere; sed multò minùs Poëta erubuit, Te, quem sæpe *Leonem* dixerat, nunc adorare Alatum; visus tamen non illi soli es, heu! nimis quàm

R A R A A V I S.

*Solares: simul ore bibit Iovis Armiger Ignis,
Defluit ala senex, & nova prodit Avis.
Tu quoque sic nuper juvenescere visus, ad Astra
Ivisti alato, Dux GVILIELME, pede.
Quem procul ut vidit gens paupertina volantem,
Post quot, ait PHOENIX, secula, talis erit?*

Ita illi simpliciter, & candidè, & ex veteri sive opinione, sive errore, qui Phœnicem unicam Avem fecit: Nos alterum pridem vidimus, sensimus, adoravimus: & hæc ipsa Phœnicis nostri palmaria gloria est, propagatorem reliquisse humanæ

manæ felicitatis, neque Aureum sæculum secum
 extulisse. Verùm illud miraculo est, etiam à rudi-
 bus doctioris linguæ, quidquid GVILIELMI su-
 perest, RELIQVIAS dictas esse, eo affectu,
 quo Divorum pignoribus, Cineribúsq; id no-
 men datur; inter quos, illi quidem, privatâ Apo-
 theosi, te, GVILIELME, pridem collocârunt;
 ut alia argumenta deessent, tanti nominis digna-
 tionem Christi vocetuturi, qui *Beatos Misericor-*
des, non uno oraculo, pronunciavit. Poëta à
 nomine non abhorruit; & cùm Pictor serpentem,
 leberide positâ, vernis induvijs decorum pinxis-
 set, neque dubium ulli esset, quò notum revire-
 scentis ævi, & abiectæ Mortalitatis symbolum
 pertineret, carmini titulum ex ore vulgi fecit

RELIQVIÆ.

*Vixisti ingenio mitis, GVILIELME, columba,
 Serpentis tamen in funere, visa nota est.
 Exuit hic senium, veteri cum pelle: Senecta,
 Nostra etiam, Exuvias possidet, Vrna, tua.
 Ah tantum Exuvias! Te, Te pia Vota requirunt:
 Cælum nî Iuvenem vis dare, redde Senem.*

Et hoc rogant, ut impetraturi; neque cogitant,
 Votum suum cum tua iniuria coniunctum; ne-
 que Pios se esse posse, ut non simul crudeles sint;
 cùm vitam tibi dare nequeant, nisi eripiant; quod
 deni-

denique verè est, amando occidere. Malè de
 cœlo, terræque iudicat, qui te indè abstractum,
 huic vult reddere, non modò Emeritum, sed Co-
 ronatum. At enim sua illos causa Oratores facit:
 Fortunas, felicitatèsque suas vident tecum exspi-
 rāsse, quas, nihil mirum est, si magnis clamoribus
 conantur excitare. Et Tu quidem ita illis de Cœlo
 videris meritis, ut pro te vota concipientibus,
 neque surdum esse possit, nec difficile, quod cum
 Orbe terrarum ita Liberalitate tua complexus es,
 ut à te locupletatum, exornatúmque nihil dubi-
 tãrint dicere: Cuius enim, è Beatis illis incolis,
 Aram non excoluisti? Cineres inaurãsti? Me-
 moriam consecrãsti? Angeli, per te, etiam in ter-
 ris suum Cœlum habent. D. Carolus, ad suæ Æ-
 dis splendorem, penè velut olim in Purpura, e-
 rubescit. Magnus Nicolaus Munifici titulum pri-
 dem tibi remisit, & tribus sportulis, quas Virgi-
 nitati in tuto collocandæ, in gurgustium iniecit,
 densiorem nunc noctem quærit, tantopere à te,
 in Liberalitatis sparsionibus, superatus; quem
 Tu tamen, illius potissimùm facti admiratione,
 Nobili Téplo dignatus es. Sed nolo adnumerare
 Cœlo, velut immemori, officia tua, in quo etiam
 pocillum fontanæ pretium habet, & suspi-
 ria auro scribuntur. Sed & tibi molestum
 sit, tuorum Factorum titulos in charta
 extare,


extare, qui Nomen tuum etiam Marmorì negâst
nimis vile ratus cælum statuariorum; cùm etian
Traiano vitio datum sit, quòd in suo nomine pe
omnes Parietes serperet: Proinde Poëta ex affectu
& animo tuo scripsit.

NON SVM HERBA PARIETARIA:

*Si, GVILIELME, Tuum cunctis stet nomen in Aris,
Quas posuere tue. vel poliere Manus.
Omnia saxa canent, GVILIELMO Patria debes,
Quidquid Virtutis, vel Pietatis habes.
Sed tu, marmoreis spretis praconibus, optas
In solo Vita nomen habere Libro.*

Habe, ut nactus, Felicissime Princeps; etsi neque
hîc evinces, quin nomen tuum Modestiae crustis
abditum passim emergat in lucem, opertorio de
ruente; quemadmodum etiam Sostrati Phariae
Turris Architecti nomē posteritati innotuit, cùm
coementum, quo oblitum erat, defluxisset; neque
enim minùs splendida monumenta tua sunt,
quā igniuoma illa Turris fuit; & verè dici potest,
Te Principibus omnibus, ipsique adeò orbi terra
rum facem accendisse, utinam secuturo!

VIRTUTIS ET HONORIS. 118
IN FINENE CORRVPAS.



TERRET
TE VVL-
TVS MEVS
DELICATE?
TERRIBILIO-
REMVRNATE-
GIT. HVNCTV SI
VIDERE NON VO-
LES, OLIM OSTENDES.

LIBERTATI S.



LAQVEVS CONTRITVS EST, ET NOS
LIBERATI SVMVS. Pſal. 123.

LIBERTAS CAPTIVO.

PSaphon vani capitis homo, vocales Aves, hæc tria verba fari doctas, PSAPHON EST DEVS, magno numero, è cavea manumisit, illarum garrulitate sibi nomen, famamq; Divinitatis conciliaturus; adeò diverso à te, Magne Princeps, ingenio, ut ipsas etiam Musas elingues reddere cogitaris, funus tuum solo silentio celebraturus: Nam alioquin ancupio nihil opus fuit, ad illaqueandos præcones, qui Nomen tuum addiscerent, & differrent per orbem: Facturi id fidentiùs homines erant, pridem, à te, vinculis ingentium Beneficiorum capti, qui tamen nihil magis formidârunt unquam, quàm Libertatem;

Ita ista nimis lenta vincula sunt escaria,

adde & argentaria, quibus integros greges unam familiam, & tuam fecisti: quæ nunc, velis, nolis, rumpente imperatum silentium dolore

Est bene non poterit dicere, dicet Erat.

Etsi enim funus tuum celebrari erudito luctu noluiſti, quod plures suppeterent ad plausum, quàm ad planctum causæ; tamen, quia felix fieri non potuiſti, ut non unà multi miseri redderentur, quibus tua manus subducta est, privata calamitates præpotuere, ut in Triumpho tuo mortalem habueris neminem, qui rideret. Dies ille lætitiæ Iustitium fecit, qui tuæ Initium fuit; ita, quantumvis sereno Cœlo, nimium quantum fuit pluviarum.

viarum. Penicillus, & calamus, quibus vis facta est, personatâ, & scenicâ lætitiâ tibi Libertatem gratulati sunt, cùm mallent flere: etsi fingere illis necesse non fuit, neque negant felicissimum esse, qui casses effugerit, quibus instratus est orbis terrarum, fallacissima area, & in perniciem nostrâ, nimis quàm illecebrosè concinâta: viscata omnia Fortunæ Bona sunt; & quis est, qui non uno unguiculo hæreat, imò sæpe toto animo iaceat in hoc visco? neque opus est illicibus avibus, cùm vltro ad volent prodigi Libertatis, & inter captos ambitiosissimè certetur, quis luculentiùs se probet mancipatum, multisq; morte durius est, nullas splendidæ servitutis notas collo circumferre; nec esse Torquatum. Hæc tibi, Felicissime Princeps, meditata studiosiùs, quàm ulli tuæ Sortis Mortalium, initia fuerunt magnarum cogitationum, quæ te nostri seculi Miraculum fecerunt; neque enim unquam sine gemitu spectasti istud Fortunæ

MISERIMVM AUCVPIVM.

Hinc illæ tuæ voces,
*Ingemui, quoties captivas, aucupe Mundo,
 Vidi, passus idem, vel meriturus, Aves.
 Nec tamen effugij patuit mihi rimula, donec
 Mors scidit angustas imperiosa plagas.*

*Parcite, Mortales, Morti maledicere; Dextra
Quæ Libertatem donat, Amica fuit.*

Ah! difficile est, carnifici generis Humani dare
tū pulchrum nomē: quando ne id quidem falci
imputamus, quod supra Aucupij huius ludibria,
& infamia aucupum arbitria euectus, Vnus, uni-
cūque tibi imperasti, verè Liber, & Tuus; brevif-
simo titulo, etiam Regum potentiam egressus.
Neque enim Regni tui Annos à Mortis Falce nu-
merare incipimus: quo die Principatus te fastidi-
um subiit, cœpère: illa verè Laconica vox tua,
Non Serviam, sed ne Imperabo quidem, Regem
Te fecit: Hinc digere Annos tuæ felicitatis; quos
Tu quidem ferè solos optes tumulo inscribi, ut
propriè tuos, vel, quod idem est, Dei: qui cum
Rep. generis humani censeret, esse aliquem, in
quem Fortuna nihil posset, Vitali Filo adstrinxit
Te orbi terrarum, pulcherrimum spectaculum,
magna admirantibus, secuturis etiam exemplum:
nihilominus Cœlum Animo tuo aperuit, ut fre-
quentiùs in illo, quàm in corpore habitares; Ho-
norarius hospes, & qui vasa quotidie conclama-
ret, velut migraturus. Id Filum abrumpere reve-
rentia maioris imperij non sivit; Dei Columbam
Te professus, desideria tua gemitu prodere satis
habuisti, quæ Deo Telum extorserunt, quo Mors
~~etiam~~ hoc vinculum abrumperet: quod Tu, ut ex
Pharetra

Pharetra amoris depromptum adorasti, ipsi Sagittario adeò non iratus, ut & Manū laudares, &

FELICISSIMUM VVLNVS.

Iam digito potui, jam tangere vertice Cælum,

Atque, qua peterem sidera, nata fuit.

Vna morabatur non magna catena volatum,

Donec & hanc rupit Mortis arundo Moram.

O bona Mors! in Me lenta nimis usa sagitta es;

Iste tuus pridem debuit esse scopus.

Minimè gentium! Optime Princeps; quin & nunc illa

Auem contingere ferro

Non potuit; nodos, & vincula linea rupit,

Queis innexa pedem, Malo pendeat ab alto;

Ille Notos, atque alta volans in nubila fugit.

Quod à Principe Poëtarum, ut de Te dictum, G V I L I E L M E, pictor intellexit & in tabula explicavit; animū non potuit, quo nunc hæc mortalia despicias, & inania studia, vel improba etiam, inter quæ vita laceratur à nescientibus vivendi causas. Quis enim negotium suum agit? aut melius, quam Formicæ in suo regno? vides ergo non fecisse orbi iniuriam, qui illum Fortunæ, ut pilam, substravit, velut indignam, quæ in Regum manus veniret aliter, quàm ad Ludum, non magis seriū, quàm quo Leones, in Cavea faxeos globos

iaſtant, ſed cum contemptu, neque in argumen-
tum virium; habet ergo à Poëta nomen ſuum

MVNDVS PILA.

Muſcarum Nidus, Formicarumque Theatrum,

Non capiunt animos, ô Leo Boie, tuos.

Suſtentantur acu, pendent mortalia Filo,

Nec ſunt Semidei digna ſubire manum.

Nunc quoque ſublimis cœlo mirabere, quemquam

Tam miſera puerum ludere velle pilâ:

Quæ inſuper, ut olim Publius dixit, Vitrea eſt, &
cùm maximè ſplendet, frangitur, neque tunc qui-
dem lacrymis digna; quando niſi per rimas, rui-
nâſque illius, via non eſt, ad veram Libertatem.

Avinec Cryſtallina cavea tanti eſt, ut grandini
ſuccenſeat, ingratum hoſpitiũ ſcindenti: Cœlo
multò meliùs tegetur. Carcerem ſuum nemo,
niſi inſanus, amat: Tu tuum deſervisti ridens, O-
ptime Princeps, &, qualiſcunque nobis viſa eſt,
quæ caveam diſiecit, tibi tamen fuit

OPTATISSIMA TEMPESTAS.

Non facis ad noſtrum carcer Cryſtalline votum;

Nec me Fortune vitrea dona jurant.

Felix, quæ tandem hac fregit ſpecularia grando:

Tempeſtas nunquam mollior vlla fuit.

Vna fenestra mihi ſatis eſt, pro pectore; Noſtrum

Quæ Candorem orbi, vel tibi, Chriſte, probet.

Adde, quidquid dignum præterea eſt Dei oculis.

Super!

Superi! quæ spectacula dabis, cum totum Modestiae tuæ velum reduxerit Deus, & hunc Solem, ostendet orbi, cuius neque Umbra sine radijs est.

MISSIO EMERITO.

VTimur Modestiae tuæ verbis, Optime Princeps, & omnia humilia nomina conquirimus, non sine iniuriâ tuarum virtutum, quæ cum non MISSIONEM, sed Triumphos meruerint, & Imperatoris nomen, nos te velut Gladiatorum ab Arena RVDE DONATVM dimittimus; quid enim aliud est conatus nostri Amoris, & Rudium Musarum; quibus tamen infantibus, non tantum ex Imperio tuo esse licuit, sed quia tam conspicua Virtus digitos magis postulat, quam linguam, & ostendi etiam à mutis potest. Præco tuus ipse fuisti; pridemque rerum gestarum magnitudine effecisti, ut silentium nostrum tibi non posset nocere: quemadmodum nec Othryadi Lacedæmonio, cum, erecto de cæsis hostibus Trophæo, suo sanguine, moriturus inscripsisset, VICI, necesse fuit tumulum exornare, ipso Virtutis colore & succo, & Heroica illa voce satis pictum. Nimirum quisque non modò Fortunæ suæ, sed & Famæ optimus est Faber: neque Hercules, quem Pictor, tuo vultu, expressit, cum in manu clavam haberet, opus sibi calamo credidit; satis disertum se ratus, cum

MAVSOLEVM
CORONIS AD CORONAM.



QVID
MOLLI
PLACET
INCVBARE
PLVMÆDOR-
MITVRO Æ-
TERNVM IN
HAC CVLCITRA,
NVLLQ EXCITANTE ?

PERPETVÆ SECVRITATI S.



BONVM CERTAMEN CERTAVI, CVR-
SVM CONSVMMAVI &c. 2. Tim. 4.

ad Orbis, Victorijs suis impleti, terminos, depa-
ctis Columnis, duo verba inscripsit NON ULTRA;
etsi illius limites prolati iam sunt, viâ, non tantum
in alium orbem, sed etiam in Cœlum apertâ, quò
cùm Virtutes tuas intuleris, ponimus sanè nos,
ex merito, has laboribus tuis Metas, quibus Tu
ipse inscribas, iam demum ex vero

NON ULTRA.

Venimus ad nullo tentatas Hercule Metas,

Atque Leoninas ponimus exuvias.

Cruce mihi Clava fuit: Nostri hanc versare Nepotes,

Mollitâque mea discite ferre manu.

Sic emitur Cœlam: bis sex tulit ille Labores?

Nec iactare volo, nec numerare meos.

Sed ne possis quidem:

Pauperis est numerare pecus:

& qui virtutes suas potest in digitos mittere, ni-
mis parcè fuit Bonus. Virtutum stadium non est
dimensum ad passus: hanc illi curam remittimus,
qui *vestigia pedum nostrorum considerat, & gressus di-*
numerat exactus censor: Tu & Princeps, & Ca-
nus, & iam toties Olympionica, figebas tamen in
senecta fortiùs pedem, etiam Iuvenum Anteam-
bulo, & illos in ruborem, lassitudinèque datu-
rus, quibus tanto post te intervallo relictis, etsi
Modestia tua parceret; convitium tamen cani fa-
ciebant; turpe fuit, non posse Principem nos se-
qui Plebeio pede, & candido capiti unam Coro-

nam præripere: Quamquam Tu coronas ipsas fugere visus es; adèò, post positum Principis Diadema, nihil in frontem tibi placuit, quod Modestiam tuam paulò splendidius tegeret, & proponeret adorandam. Inijcienda tibi ab ipso Brabeuta manus fuit, quæ nisi in cælum rapuisset, ipsas credo coronas defluxuras fuisse, in tam charum caput; Pictor. certè ut deruentes pinxit, & impendentes

O P T I M E M E R I T O.

Siste fugam: jam non est declinare Triumphos,

Et canum fertis velle negare caput.

Mors tibi Gramineam donat prostrata Coronam,

Quernam S O T E R I dat Pia Boia suo.

Et quis cælestes numeret? patière, quod horres;

Vnam excussisti; jam, puto, Mille feres.

Succumbendum sub pondere esset, nisi Virtus, quidquid meruit, ferre posset, utique non fatiganda honoribus, cum neque laboribus cesserit. Enimverò absoluto Virtutum Orbe, quid aliud supererat, quam Circulus Æternitatis? quem unum nunquam finire posses. Superi! quis ille diès fuit, quàm festus cælo? cum tot pulcherrimè actis annis, quorum cursus meliùs virtutibus tuis, quam Solaris, suis signis, destinguitur, ultimam clausulam imponeres, in Solstitio tuo quieturus; cum illud diceres nondum fessus

Vixi;

Vixi; quemque dedit cursum Natura, peregi.

Miseri nos, in arena ludimus, & imminente cervicibus fatali ferro, inducias poscimus, ad claudendum malè tornatum, rotundatúmque vitæ orbem, miseres Archimede, quem in suo pulvere radio inerrantem hostilis gladius oppressit. Pictor illum nostri erroris socium, aut speculum proposuit, qui, per vitam omnem, nec vivere, nec mori discimus, & in tam serio ludo, etiam senes Elementarij sumus; quibus tot dies fluunt sine Linea, neque id quidem scientibus, stare nos iam in

ULTIMA LINEA.

*Orbiculum nondum in docta finivit Arena,
Quando Syracusius concidit, ense, senex.*

GUILHELMVS totum virtutum absolverat orbẽ,
Quando Senem iussit Parca modesta mori.
Vna superfuerat ducenda, in pulvere Mortis,
Lineola; hanc ridens duxit, & occubuit.

Quid enim restabat, Felicissime Senex, saturo Vitæ, & Gloriæ? cùm Fortuna humana omnia, fastidienti, & iam olim repudiata, dare nihil posset, & Virtus omnia vellet; stipendium alibi plenum numeratura, hîc iam omnibus auctarijs, quæ dari sic militantibus solent, in te effusis: cùm Patria queri nihil posset, nisi te Cælo nimis maturum; cùm post veteres titulos etiam hunc nactus esset, ut propter te Sancta; per Triumphos Filij Fortis

diceretur, & invicta. Post tot decora (sine me Dolor verum dicere) licuit tibi mori; libuit certè; ut quod unum tot felicitatibus deerat, fieres Immortalis: Hoc nimirū est, suis Triumphis obrui, & quod Epaminondæ, quem comparare Tecum Pistor ausus est, fatale telum edulcavit, abire

S A L V O S C V T O.

*Si salvâ potuit ridens decedere Parmâ,
Thebani quondam gloria prima soli:
Quâ Te fronte putem Mortem, G V I L I E L M E, tulisse,
Cum patria ex voto stet clypeata tuo?
Cum fidei dederis tot Munimenta, Ducēsque,
Rideat hostiles ut cataphracta minas.*

Dedicabimus hoc Scutum Immortalitati, picturū totum gloriæ Filij tui argumentum; sed velut in Mineruæ Ægide Phidias suum nomen inseruit, non nisi cum perniciæ admirandi operis eximendum; sic stabis & Tu Victori proximus adeò non invito, ut se neget sine te Vicisse; certè non nisi tecum est Triumphaturus.

F A M A P O S T H V M A.

QVæ, ut maximè velles, non patitur angusti-
ori tumulto Te inferri, quàm sit Orbis Terra-
rum, quem, quantuscunque est, incompa-
rabilis Principis ruinâ afflictum, atratum tibi ire,
exequias iussit, quamquam non eo silentio, quod
nobis

VIRTUTIS ET HONORIS. 130
ASCENDE VT DESCENSVRVS.



✠
AN
TIBI,
AN MI-
HICALVA
IN ANIOR?
TIBI CREDO,
QVIAMEI OBLI-
VISCERIS.

AETERNAE MEMORIAE S.



MEMORIA ILLIVS IN BENEDICTIONE
EST. Eccles. 45.

nobis ultimum tuum imperium imposuit; negat enim, illâ se lege teneri, quæ propè impium se faciat, si tuas virtutes tecum patiatur sepeliri; quas utique à funere & vrnâ immunes esse deceat, cum scelera nondum sint sepulta, quæ neque nasci quidem multò melius fuisset. Tot ergo Præficas habes, quot Linguas; Lessusque tibi, confusis omnium Gentium vocibus, cantabitur, eodem tamen argumento, omnibus te PATREM dicentibus, PRINCIPEM PACIS, PATREM AVREI SECVLI, COLUMEN RELIGIONIS, HOSTEM IMPIETATIS, SPECVLVM VIRTVTIS, GLORIAM NOSTRI ÆVI, FVTVRI EXEMPLVM; quidquid denique pulchrorum Nominum capere Virtus potest, sed Regia, & in tanto fastigio eo pulchrior, quo rator, in Tumulo audies; & quia vera audies, non erubesces. Nullus orbis Angulus est, quò nominis IESV radium illius Societas intulit, in quo non tibi cum gemitu parentabitur: Æthiopes, Malabares, Indi, Iapones, ultimique hominum Seres, quod Regum olim nulli, nunc etiam paucis contigit, in tuum funus suspiria mittent, daturi etiam cinama, & totam Arabiæ Messem, in qua, ò noster Phoenix! renascare. Brasili, apud quos olim homines hominum sepulchra fuere, ingemiscunt fato tuo, & Humanitatem suam tibi sincerissimis lacrymis probabunt. Præter impios, nemo erit, qui non aliquid calidius tibi

appre-

apprecabitur, quàm illud vetus, MOLLITER OSSA CVBENT! Nihil ergo nactus es illà fatali lege, quæ nobis obligavit. Orbem totum Sigalionem non facies; quem Virtutum tuarum historia in laudes tuas fecit disertum. Magna Virtus silentium, nec cùm imperat, impetrat; quæ tota cùm Domino suo sepelitur, & tribus ulnis claudi potest, non habuit staturam Virtutis, nec pervenit ad huius nominis maturitatem. Parcus ergo Pictor fuit, qui unius montis molem, in effigiem vultus tui absumpsit, quando idem olim Stasicratem fecisse meminerat, qui Montem Athon in Alexandrū transformaturū se dixerat, liberali promisso, & cuius etiam Alexandrum puduit, ipso cæteroqui orbem maiorem. Tu id sine sumptu impetraſti: Imaginem Virtutis tuæ totus orbis circumfert: Boica verò composita ad exemplum tuum, multò illustrius te repræsentat; quæ quidem optima Regum ambitio est, formam suam non scalpro, aut penicillo tradere, sed imprimere animis, qui fere cerei sunt, & faciliè admittunt effigiem Principis PII, qui PATER mavult audire, quàm DOMINVS. Hæc ergo iam, ô Magne Princeps, verè tua est

VIVA IMAGO.

*Par ut Alexandri Fortuna staret Imago,
In statuam totus penè abiisset Athos.*

Non

Non contenta stetit tua tanto limite Fama;

Mons unus fuerat, te, GVILIELME, minor;

Æmula tota tuos biberit cùm Boicæ mores,

Effigies Animi est illa vocanda tui.

Quanquam hæc imago vota non exatiat; uti fere pictor amantibus non satisfacit, quorum amores, & desideria etiam ad vivum exscripsit. id tantùm impetrat, ut dicatur à flentibus

Sic oculos, sic ille manus, sic ora ferebat;

Eheu! FEREBAT: nunc illi Oculi conciliatores serenitatis caligant; & illud Os aureum expalluit; & quod Pauperum æternæ lacrymæ non eluebunt, MANVS TVÆ IACENT, & Mortis imperio contractæ sunt, nec funguntur munere suo, BEARE neminem possunt: quod si tibi infelici olim fato contigisset, multò veriùs, quàm Titus, qui & ipse *Amor*, & *Delicia Generis Humani* dictus est, conquerebâre, te DIEM PERDIDISSE. Hoc scilicet est, quod Vota, & fere manus etiam pauperum acuit in Impietatem; ut hanc tibi quietem, & ipsum propè Cœlum invideant, quod tamen pietate, quâ illorum gentem complexuses, potissimùm emisti. Te nimirum quærunt anxij fosfores, quos pictor expressit, certi, apud te latere venas auri, fortunâsq; suas in tuo tumulo sepultas. Illorum una vox est

NON

VIRTUTIS ET HONORIS. 134
NON ANTIGONVM REFODIO.

*Antigonum indecorem sceptris, anus improba quondā
Effossuram Vrnâ se minitata sua est.*

*Quas quæres latebras, quo defodiêre sepulchro,
Fossorum effugias ut G V I L I E L M E manus?
Nam quamquam Patri successerit Optimus Hæres,
Boia tamen Patres mallet habere duos.*

Sed qui dampnant irrita vota, & spes nimis improbas, noruntque æquè avarum Cœlum esse, neque solere tam charas gemmas remittere, ij, quod neq; Tu damnes, sequuntur te interim animis, & cupiunt suo Principi iungi, si non ut satellites, saltem ut Vmbræ; quod tibi nomen hodie familiarius est, nostrisque votis tantò aptius, quantò certius; aliter nemini fas esset te sequi, nisi affectetur, ut Umbra, quæ semper, pari cum corpore passu, ambulat. Sed ignosce, Princeps, imbecillitatem confessis, & desperantibus se tuo pede metiri: Maneant hæc Tua in Virtutis stadio impressa vestigia, habeantque admiratores, quia æmulos non possunt; videant te etiam ventura secula, totumque ex pede Heroa colligant. Nulli erit verecundiæ, à G V I L I E L M O, in hoc cursu superari, cui præter Reges pauculos, quales vix singulis seculis prodeunt, nemo potuerit componi. Nos te, quod olim ad Rogum cantatum est, QVIQVE SVO ORDINE SEQVEMVR. & quia currere non licet, repemus, humiles animæ, & cælestium

caelestium inanes: satis est, idem nobis, quod Regibus stadium concedi, etsi sequite non liceat

HERCVLEO PEDE.

Ingenti Alcides dimensus Olympi plantâ,

Ad metam, nullo ponè sequente, ruit.

Nemo illo est mensus sese pede; sicut Olympum

Cum peteres, nemo se, G V I L I E L M E, tuo.

Ah saltem, quando nemo te passibus aequat,

Possimus pede te pumilone sequi!

Neque tamen id solum, aut maximum Tui nominis apud nos vestigium extabit; etiam cotidibus nostris notam illius impressisti; quemadmodum Aiace flos illius sanguine pictus exscripsit. Sed sparsio hic mollior fuit; Ingentium beneficiorum imber, ingens, apud nos, Nomen fecit; stigma dicerem, si esset à flamma: feremus tamen, quidquid est, nunquam delendum, victuri, morituri, que ingrati; nisi fateamur, nos tibi animam debere. Causam interim nullam dicimus, quin abuti etiam nostrâ operâ possis, & si alias Pyramides dedignaris, ex cordibus nostris vivam construas, educ in quantamcunque voles altitudinem; & si potes, cœlo inferre: tantò propiores erimus nostro creditori. Denique, si vis, in Animis nostris Mausoleum habebis. Quo iure Artemisia Mausoli cineres bibit, nos tui Memoriam Vivam hauriemus; ut qui G V I L I E L M I sepulchrum quaerunt,

runt, sciant illum in nostri Cordibus conditum;
humili fortassis tumulo, & tantis virtutibus im-
pari, sed vivo, & æternaturo. Ita vovemus, &
ultrò Epitaphium Carmen inscribimus

MONUMENTVM AMORIS.

Aiacem celebrent inscripti sanguine Flores,

Est tua, Dux, major Fama, Cruentaminis.

Non in flore tuam est, sed nostro in pectore Nomen;

Nos erimus cippi, Dux GVILIELME, tui.

Vincitur Aes senio: contemnite Marmora Reges,

Et struere Humanas discite PYRAMIDES.

CHORVS DVODECIM
VMBRARVM

Circum Mausoleum.



EGISTI sepe, & sepius, fortasse,
quàm velles, quisquis MAVSO-
LEVM hoc inspexisti, summam
Votorum fuisse GVILIELMO,
LATERE. Ne scilicet aliud mor-
tuus ageret, quàm vivus egisset.

Hinc de se NIHIL; de MORTE, piàque
moriendi RATIONE, pro suggestu ad po-
pulum disputari voluit copiosè. Obtinuit utrūq;
si fructum spectes; si impotentia Clientum de-
sideria, in altero fortasse non habuit tam obse-
quentes Posteror, quàm sui amantes. Neq; enim

Amor

Amor regi, aut ligari potest: habet enim mollia nimis vincula, quæ non tam rumpuntur, quàm soluuntur. Prodeant igitur PRINCIPIS imperio ipsæ in lucem Vmbræ, & MAVSOLEVM choro cingant, claudantque: Spectator Mundus esto.

VMBRA I.

Ad Superbos.

In hoc ludibrium hominis, in hoc carcinoma, in hoc pus abiere Superba frons, vorticosi cincinni, fucata gena, & cætera inania, quæ hodie arrident, ut cras defleantur.

VMBRA II.

Ad Divites.

Ex omni gazâ meâ, quam avidus heres corrasit, hoc mihi Linteam reliquit; ablaturus etiam, si quid vilius dare posset.

VMBRA III.

Ad Epulones.

Hæc est illa fatalis Mappa, in qua, Thyestæoluxu, ipse hospes absumitur parasitis vermibus.

VMBRA IV.

Ad Impios.

Nostime, nec nosti, mi Homo; alioqui sapires, & alijs moribus viveres.

VMBRA V.

Ad Delicatos.

Hoc tibi pulvinar in Tenebris stravi; ne dicas durum, & asperum; Nusquam altius dormitur.

VMBRA.

VMBRA VI.

Ad Tyrannos.

*Ex tenebris prorepro, formidando schemate, ut tibi
spectaculosum, quo te Mortalem intelligas, & geras, an-
tequam fias.*

VMBRA VII.

Ad Iuvenes.

*Quis est, qui me non metuat? hac Aegide & Medu-
sâ Gigâtes, & Heroas sterno. Quî tu stares, cum ego insto?*

VMBRA VIII.

Ad Venustos.

*Imago tua sum, ô Mortalis. Inspice, & dispice, quan-
tum tibi placere possis.*

VMBRA IX.

Ad Illustres.

*Ego, ego sum Illa, quæ etiam diademata involo, &
Regibus terre succedo. Quia & illi, de mea stirpe sunt
caducâ, & tandem nullâ.*

VMBRA X.

Ad Improvidos.

*Audite, quotquot vivitis; Proscriptionis tabulas ad
vos fero; in illis & tuum, & tuum Nomen. Metue, &
quidquid adminiculi est, cõvasâre satage; Cras citaberis.*

VMBRA XI.

Ad Longam vitam sperantes.

*Pedes mihi longi frustra affinguntur; ubiq; terrarum
habito; etiam domi tuæ me angulus tegit; Cras porumpâ.*

MAVSOLEVM
VMBRA XII.

Ad repentè Morientes.

*Nec vir sum, nec mulier. Vterque fui; utrique jam
nubo. Idcirco hunc torum gesto. Quid si vel hodie tecum
Hymenaeum celebrem, cui alij lessum accinant?*

ARÆ PRINCIPIS INSCRIPTIO.

PIIS MANIBVS

GVILIELMI V. COMITIS
PALAT. RHEN. VTR. BOIAR. DVC.
AVGVSTISSIMI HVIVS TEMPLI
COLLEGIIQVE FVNDATORIS
MVNIFENTISSIMI. PATRONI TER
OPTIMI. SIDERIBVS ANTEQVAM
INFERRETVR DIGNISSIMI. MÆ-
STA PRINCIPVM DOMO. COM-
PLORANTE OMNI BOICA. ILLA-
CRVMANTE GERMANIA. ADGE-
MISCENTE EVROPA. COLLEGI-
VM SOCIETATIS IESV MÆRENS.
PARENTAT. MINVS QVAM DE-
BET. PLVS QVAM MORIENS VO-
LVIT. MAGNITVDINI EIVS O-
MNIAMORTALIVMPARVA VISA,
ET OMITTENDA.

OE-

OECONOMIA,

feu

APPARATUS,

ET STRUCTURA

MAVSOLEI TOTIVS.

I.

FUNDAMENTVM Operis jacet DESIGNATOR
funeris, tergemina GVLIELMI V. virtute, Reli-
gione, Iustitiâ, Modestiâ: quæ postrema, tanta in-
magno PRINCIPE fuit, ut omnem à Tumulo suo
Pompam Interdicto removerit: adeo, uti ne Thalian
quidem, Naniam sibi canere voluerit.

II. Graviter rem accepere MVSÆ: & Boica quidē
prolixis Elegis, crines vellere, Tumbam ambire, obtesta-
ri; ne Parnasso ea res fraudi foret; neue Posteritati mul-
tam ingratisilentij deberet; si PRINCIPI, optimè de
Litteris, Litteratisque merito, non parentaret.

III. Deliberatum diu: atq; agrè demumpotestas Apol-
lini facta, MAVSOLEI in suo fundo erigendi: eâ qui-
dem lege, uti ne quid sumptuosius moliretur; neu enun-
ciaret, quorum Modestia PRINCIPIS solos Superos esse
conscios voluisset.

IV. Itaque negotium dat Apollo, quatuor è Parnasso e-
vocatis

vocatis Architectis; pro numero eorum, qui Artemisia olim in Mausolei fabricâ laborâssent: quorum ea solum cura foret, Cinerem MOECENATIS Musarum Liberalissimi honestè tegere, nihil ad Aegyptiorum insaniam operis mole insanire.

V. Indè mox admota manus, totumq; in quatuor etiâ tributum partes MAVSOLEVM. Tumbam, Columnas, Arbores, Pyramides.

VI. Tectum autem maximè splendere voluerunt Architecti; in quo & faces bene multas, & novem Cælestium Geniorum Ordines suis cum Insignibus & Gnomis constituerunt. Cuius rei Tabulam suo loco inspicere.

VII. Et quia SOCIETAS IESV, ob infinita in se GVILLIELMI merita, ad se spectare præcipuè iudicabat, ne in Umbra delitesceret tantum Nominis Boici lubar, plus molita est, quam ausa: cum PRINCEPS modestissimus tenebras in ipsis etiam tenebris, & latebras in Sepulchro quereretur. Quod facinus Poëta (tamen si aliud maluisset) illaudatum præterire nefas duxit. Fecit indignatio versum.

VIII. Cum ergo Interdictum non permetteret, ad quatuor MAVSOLEI Columnas (quod more Majorum fieri debuisset) adhibere Scalprum, aut altius infigere Stilum; leui Penicillo Umbra potius, quam Colorem induxere opera: ex qua si minus tralucet Virtutes PRINCIPIS, PRINCIPI satisfecerunt Poëta.

IX. Lemmata porro Picturarum, singulis MAVSOLEI lateribus sic respondent: ad Orientem LECTIS-
TER-

*TERNIVM FESSO; ad Occidentem LIBRATA VIR-
TVS; ad Meridiem TORVS LEONINVS; ad Septen-
triones, MORTIS SEPVLCHRVM: qua universa Ru-
bricameliùs ostendisset, quàm Atramentum, nisi luge-
remus.*

*X. Quamvis in Arboribus, quas ad pergulas Colum-
narum depinximus, lati potius, quàm tristes esse volue-
rimus: ita persuasit indubitata GVILIELMI Salus, &
Beatitudo. Sola enim CVPRESSVS veteri jure lu-
get: OLEA autem, ad quam LEO Boicus Rhombis
suis indormit; FICVS, cuius Poma hiantia, Purpuras,
Leones, Mitras, Cruces, alia magna ostentant; LAV-
RVS, à Ventis omni ex parte pressa, nunquam oppressa,
felicioribus ramis excresecunt.*

*XI. His PYRAMIDES succedunt parabili admo-
dum sumptu eductæ; quæ cur MAVS OLEI latera
virique stipent; ipso Apice loquuntur.*

I.
PYRAMIS.

II.
PYRAMIS.

Frons
BONA MALA.
Latus I.
SOLIVM HONORIS.
Tergum.
PROMONTORIUM BONAE SPEI.
Latus II.
TRICLINIVM IMMORTALITATIS.
Frons
MORS TRIUMPHATA.
Latus I.
GLORIOSA PARENTATIO.
Tergum.
ETESIAE PERENNES.
Latus II.
ÆSTAS FRVGIFERA

III. PY-

III.
PYRAMIS.

Frons.
SVMMA VOTORVM
Latus I.
COMITATVS VIRTVTVM
Tergum
SECVRA CVSTODIA
Latus II.
VTRINQVE IMMORTALIS.

IV.
PYRAMIS.

Frons.
IMMORTALITATI S.
Latus I.
LIBERTATI S.
Tergum.
PERPETVAE SECVRITATI S.
Latus II.
AETERNAE MEMORIAE.


XII. *Abfolvit, & claudit MAVSOLEVM totum
CHORVS duodecim Vmbrarum, quae Mortales docent,
quod Mortalium nemo ignorat,*

Omnibus denique Moriendum esse.

VALE. VALE. VALE.
GVILIELME. PRINCEPS.
NOS. TE. ORDINE. QVO. NATVRA.
PERMISERIT. SEQVEMVR.

Correcta.

Fol. 33. 1. Samsonicum. ibid. 25. Honori. 33. 16. Ayus. 38. 1. Cameruz. 71. 22. Orciniana. 82. in fin. Sine 85. 26. Gentilis. 86. 2. Nuptia. 97. 2. Aena. 97. v. ult. Theatro. 100. 22. incanescere. 114. 18. quog.





BIBLIOTECA NAZ.
ROM.
VITURNO EM.

